

巴陵鄉土志



巴陵鄉土志

歷史

本境晉太康元年置縣

未置本境以前

禹貢荊州之域為三苗國地

春秋屬楚亦為麇羅二國地戰國屬楚

秦為長沙郡地漢屬長沙國後漢因之三國屬吳

既置本境以後

晉屬長沙郡宋元嘉十六年為巴陵郡治齊因之梁為巴
州治隋為巴陵郡治唐為岳州治宋元明不改



德之秩滿保留復任

牛諒項城人景泰間岳州同知開墾濱江蘆場百餘頃民賴其利

李時漸隆慶初知岳州府在西門城下築護城隄自岳陽樓而南凡二百六十丈今圯

李鏡字文明江西弋陽人進士成化十九年知岳州府修學校葺倉庾築湖隄通城陵磯壑隄為田引水灌溉為利甚溥號曰李公隄又名永濟隄 國朝順治十年知縣王

篤慶康熙五年知縣李炆五十三年知縣王國英相繼重修今圯

王宗濬晉江人嘉靖中任江防僉事駐劄岳州歲大飢與知府陸邛籌米若干興修學校以工代賑民賴全活

陸邛字秀卿嘉善進士嘉靖中知岳州府寬逋賦省訟獄巡行屬縣歲必再周田疇盡闢申辰歲大飢諸路過糴邛罄府縣倉儲復借之藩庫設法賑濟先發後聞巴陵華容飢尤甚按月加賑自秋至明年夏乃已復為酌給牛種計

所出銀票十餘萬全活數十萬人事聞超擢太僕少卿入
京於揚子江遇盜詢為瑯成護之出險岳郡人戶祀之
已復龍雲南人進士萬歷初知巴陵縣先是賦役款項繁

龍行一條鞭法聽民自輸布粟皆得估值
可攝民皆爭先輸納尋擢御史民立祠祀

歷十三年築長二百五十丈高八

日二十五畝六分

四

築瓦子灣官隄長九十八丈高二
九百三十五畝六分九釐

熙七年築長二百二十九丈九尺六寸
約糧田八百四十九畝

熙七年築長三百八十四丈六尺四寸高
約糧田七千五百九十七畝三分九釐

永興堤在穆湖村康熙三十五年築長五千四百丈高
九尺五寸

自成堤隄在穆湖村康熙三十五年築長千丈高四尺內糧田五千二百一十畝

王國英字俊侯奉天人康熙四十六年知巴陵縣縣濱湖多水災國英躬履勘驗詳免浮賦發倉賑災改建學宮設義學修橋繕城有廢必舉五十四年奉檄清理墾荒請豁無著田千七百餘頃歲減糧萬三千石有奇派任十六年百姓載若慈母

護隄堤隄在舊江村官隄外康熙五十二年築長五千七

子

百六千丈高八尺內糧田一萬四千四百畝

楊振鐸字木天一字特軒新化人乾隆二年明通進士官巴陵教諭課諸生如子弟九年巴陵大荒大吏委振鐸助理躬詣鄉村勸富戶平價貧民不得抑價強糴眾皆安堵所過士民拜而祝曰此陰雨之膏也不謂父母之德出自師儒

近汪堤隄在舊江村官隄外趙家灘乾隆三年築長五千二百二十丈高一丈內糧田二千五百畝

一去害

宋朱壽昌字康叔天長人仁宗時權知岳州州濱湖多水盜壽昌籍民船刻著姓氏使相伺察出入必以告盜發驗船所向窮討之盜為少弭

明李鏡知岳州洞庭君山為水寇淵藪鏡擒其渠帥餘黨解散岳人立祠祀之

郭槃字樂周番禺人嘉靖辛酉舉人倅岳州岳枕洞庭崔苻曠莽槃畫防江十策置兵艦嚴哨捕地方賴以無警

申佐字懋良永年人嘉靖進士授岳州府推官值狼兵劫擾捕治首惡境內晏然

陳學易錢塘人萬曆中岳州府推官岳濱大湖盜賊魁傑所窟穴學易悉根株論殺之無漏

曾祐字兌羽井研舉人萬曆四十二年知巴陵縣廉士豪
之素為民害殲其元惡數輩邑乃大治

徐時達字見可萬曆乙未進士守岳州時採摠使絡繹四
出楚璫尤橫郡縣皆畏不敢抗時達獨不為禮元顏相對
璫亦憚其嚴斂迹他往

馮文盛字士蒙新昌人萬曆舉人知岳州府治濱湖多盜
悉心防護民賴以安

國朝顧用霖字雨若江蘇長洲人康熙壬戌進士五十年

知岳州地當湖廣要衝土瘠民貧屬邑遠隔呼應多阻用
霖至概絕餽遺禁戢刁訟楚地有草藤草殺人民有小怨
輒服之殞命用霖嚴為禁止湖南運糧俱至府治并免軍
民錯雜盜賊乘間竊發自用霖在任奸究絕迹湖陰巉石
峻險舟易覆溺用霖潔陳牲體籲神以弭厥患

黃哲廣東番禺人乾隆甲戌進士三十三年知巴陵縣汰
冗役除宿弊在任三年以方正稱

倪真桐城人乾隆三十七年任鹿角巡檢能詩文居官勤

恪署濱洞庭多盜巡警不避寒暑莅苻肅清
陳玉垣浙江海鹽人舉人嘉慶七年署巴陵知縣縣多黃
藤草即鉤吻也民多食以死其家以毒誣人玉垣令人
掘其根而買之為黃藤歌以相戒

一聽訟

魏宏字捐之景祐進士為岳州司理有囚閉口不食宏曰
吾能立使之食乃引問曰塞若鼻能久不食乎囚懼承訊
服罪人問其故曰彼必善服氣塞鼻則氣閉故懼

汪愷婺源人岳州錄事參軍乎江民以競渡鬪死獄土於
州守惡令欲探其獄株連數百人時大暑牢戶皆滿愷正
繫其當罪者數人餘悉乎反出之守大怒愷引法力爭守
不能屈

蔣猷金壇人為巴陵令縣介湖湘俗習文法喜鬪猷初至
訟庭全入老吏以猷年少易之猷聽決如流皆叩頭伏豪
右屏迹政聲流聞

程約餘姚人調巴陵尉攝縣事能理冤獄

明張舉字孟賢樂城人宏治進士正德初知岳州府作諭
屬法一冊勉相率守發奸摘伏人號神明太守

張鐘字子明鳴保中人為岳州推官摘伏巨奸不屈閹宦
許善所字元夫號明谷貴州衛人萬曆四十年舉人崇禎

元年通判岳州岳當川楚衝奸民出入江湖通判職糧捕水利湖田開浚江沙遷徙蘆地變更向訟此者判莫肯按理多為豪右所侵元夫至必躬自履勘悉其界畔進近廣狹豪民無所施又以機宜獲水陸巨盜置之法江湖帖然國朝張萬言字井書奉天海城人康熙間官岳州同知性坦易與人語洞見肺腑訟至咸諭以理使自悔悟徐升貞字映伯浙江海鹽人康熙二十四年官岳州通判才幹敏捷聽斷平允

顧用霖任岳州知府各屬所上讞牘如意平反俾無冤抑王璜字玉文靜海人雍正朝權知巴陵縣潔己愛民讞決平允

薛澍陝西韓城人乾隆十年以進拔知巴陵縣在任五年決斷獄訟摘發如神執法不阿胥吏有老虎之目

葉芳槐澄海人乾隆二十七年任巴陵縣丞明而能斷署僻遠近山洞民多頑梗一經剖決無不帖服

楊萬寧廣東揭陽人舉人乾隆三十三年知巴陵縣縣濱

湖地民占牧或取草糞田業漁者以無陸課阻之萬寧曰
湖地冬乾與漁無涉既無陸課則近湖之民皆得占牧取
草為批業詳定之上官嘉其有識

朱渥四川興文人進士嘉慶九年知巴陵縣聽斷明允訟
家斷業已別請讞藏之渥殊筆親為改定明白後無翻業
者

陳光詔湖北蘄水人舉人嘉慶二十年知巴陵縣生員張
世筆者家有舖屋賃江西人負租不出遂服毒死江西人

貿易者公出錢訟之案以賄定世筆誣服英光詔入省獄
見其案有詩草徑取去乃知其枉為更出之光詔為巴陵
加征錢糧人恨之其子沅中庚辰殿元灃亦翰林皆謂無
天道不知其有是事也

徐璿順天宛平人舉人道光九年知巴陵縣能直民訟西
城北富家被枉者訟既直勸令翰工事亦集

林垣順天大興人供事道光二十六年為鹿角主簿鹿角
缺薄率緣斷訟取少錢人亦便之垣監試城中有送地棍

者其母死送者願以錢請官來決罰之烜聞曰母死豈可
不速令歸乎吾不能更扑責人亦不能受錢也烜至孝母
膳必親治以是推之也

兵事錄

有全在本境者

一本境叛黨本末

宋紹興二年冬十月詔湖北安撫使劉洪知鼎州程昌寓併力招捕湖寇楊太公又名時太據洞庭有眾數萬又有周倫楊欽夏誠劉衡之徒大造車船及海鯨船多至數百車船者置人于前後踏車進退每舟載兵千餘人又設拍竿長十餘丈上置巨石下作轆轤遇官軍船迫即倒拍竿擊碎之官軍輒敗

十四

大率軍船如陸戰之陣兵海鯨如陸戰之輕兵又掄欽之寨倚舟為強誠衡之舟倚寨為固此其所恃也韓世忠之在湖南也遣使臣朱寶牲招之太不聽至是昌寓以奏乃命超捕之三年王瓌為荆南府潭鼎豐岳鄂等州制置役請招安金字牌帝曰么跳梁江湖罪惡已極故命討之何詔安為四年除岳飛兼荆南鄂岳州制置使五年二月以趙鼎為左僕射張浚右僕射都督諸路軍馬岳飛為荆湖南北路襄陽府路制置使將兵討湖寇楊太六月岳飛大破楊太子洞庭么負

固不服乃浮舟湖中以輪激水其行如飛旁置撞竿官舟近之輒碎飛伐君山木為巨筏塞諸港以腐木亂草浮上流而下擇水淺處遣善罵者挑之且行且罵賊怒來追則草木壅積舟輪礙不行飛急遣兵擊之賊奔港中為筏所拒官軍乘筏張牛羊以蔽矢石舉巨木撞其舟盡公投水牛鼻擒斬之賊壘餘首驚曰何神也俱降初賊恃其險曰欲犯我者除是飛來至是人以其言為讖

朝國乾隆八年巴陵民傅老五乘穀價騰踊倡眾剽掠署縣于文駿往諭被圍知岳州府黃凝道計擒之道光二十八年有粵人杜姓某姓三人者於驛路硃砂橋買地作屋云將往來過宿地邑人驅之不果有晏仲武者族大而人頑與之通從至廣西授其教鄉人多知之及賊至長沙或以告知縣胡方穀不問而晏仲武走長沙請賊速下仲武旋聚眾劫餉于路戕運官解役徒眾皆盡及賊東下土匪屯晏姓家在新牆河北岸斷官兵路俄而提督銜鄧紹良知府銜江忠源引兵至新

牆聲剽晏匪走撲營官兵擊之獲仲武誅之

道光末年縣蠹丁某罹于法丁乘粵寇之亂脫械出招聚鄉中
亡命洵洵將為變里人周瑞憤曰吾叔父仇夜迫丁匿所縛
送督帥壘門斬之既乃割取丁一體設叔父墓前為祭由是
有義勇聲

咸豐初間粵逆躡岳州鄉里草竊聞作結黨而為亂者十常六
七郭逢榕邑人也令族中有餘穀者毋為寇齎量給諸失業
貧人以故郭氏保聚勝地族

十一

咸豐二年生員李春沂與生員承昉李文章李巨典等偶行團練
岳州失守土匪四起焚署劫餉合邑騷然春沂等遇賊于沙
溪擒渠賊趙捷權等會官軍至土匪悉平

咸豐四年春黃州賊至土匪復起以百人為聚者不勝數皆紅
巾為首者皆紅衣至人家焚屋索錢楊敬之與陳某莫某為
之魁殺六品庠生李春沂報壬子冬誅其黨某讐也旋以千
餘人入平江之岑川據李氏大屋日夜鳴礮使其徒搜山谷
避匿者聞湘陰長樂市人執賊黨倡立團練夜起四百人行

五十里晨抵長樂至村口突遇團勇團勇鎗斃執旗一人騎馬紅衣賊遽前被鎗墜馬死即陳某也團勇大呼匪徒皆癡立不能動盡推倒殺之餘二百人返岑川楊敬之遽走歸新牆長樂人旋追之新牆遂破散

是月上旬甯鄉兵勇追賊至三港嘴等處二十四日晏七高人傑等逃遁二十五日官兵燒高人傑家下岳州五月初三日賊首偽指揮蔣宏望盤踞楊林泉白水一帶地方招集土匪得二百餘人而載垂志為之魁鄉團以起

十七

五年七月月田土田土匪余廣裕等勾結通城曾家橋賊黨二千餘人掠左近鄉村蓋生祿登立清會團會平屬板口全福團率勇三百人往勦賊寇聞風遁是夜登率團勇舍李姓舖未五鼓賊數千突至圍李姓舖登與全福團紳王允升王率勇衝殺登遇害

一他境叛黨來犯本境本末

晉隆安三年十二月桓元襲江陵時巴陵有積穀元先遣兵襲取之殷仲堪遣殷邁帥水軍七千至西江口元使郭銓符宏擊之邁等敗走元頓巴陵而館其穀

唐乾符五年羣盜陷朗州岳州中和四年十二月武昌軍將杜洪陷岳州光啟元年淮南將張瓌韓師德叛高駢據復岳二州自稱刺史師德引兵上峽大掠歸于岳州二年十二月湘陰賊鄧進思陷岳州

後漢乾祐三年禹希萼率舟兵沿江而上自號順天將軍攻岳州刺史王贊堅拒不戰希萼引岳去

宋紹興元年二月馬友遣其黨犯鄂州友大掠漢陽而去遁岳州守臣吳錫道友據之

元至正十一年徐壽輝舉兵為亂以紅巾為號據蘄水為都國號天完僭號稱皇帝改元治平十二年二月丙戌陷岳州十五年秋七月壬寅倪文俊復陷武昌漢陽進攻岳州九月己亥倪文俊圍岳州路十六年十二月倪文俊陷岳州路殺

威順王子岱青特穆爾

明正德五年湖廣歲飢沔陽賊楊清邱仁等僭稱天王將軍
出沒洞庭間圍岳州

天啟三年石馬塘賊并度州九連山賊陷岳州衛永兵備道
史啟元於廣贛孔道募兵守之使賊不得奔逸遂殲其魁
崇禎十六年張獻忠悉眾趨岳州長沙遂陷咸寧蒲圻岳
州沅撫李乾德總兵孔希貴等據城陵磯拒戰三戰三捷殲
其前部獻忠怒百道並進乾德等不支皆走八月丙寅岳州

十九

陷獻忠欲渡洞庭湖下於神不吉投琰而詢將渡風大作獻
忠怒連巨舟千艘載婦女焚之水光夜如晝十一月癸巳獻
忠遣四賊將下岳州沿江設伏藏輕舟于汊港以巨艦載順
輜重順流下副將王世泰楊文富以兵三千邀擊之賊逆流
陽走以誘官軍官軍爭利沂流上盡奪其貨入舟舟重不能
速行賊輕舟四出圍之夾岸賊兵邀擊官軍殺溺無算方國
安等諸將合兵救之僅奪回文富世泰喪師二千舟二百艘
兵州軍民共城走賊疾趨復陷之甲寅馬士秀等復臨湘賊

奔岳州諸將追至岳州賊將混天龍步騎數千拒南岸以輕
舟數十順流下邀官軍士秀三分其軍以殿後者交射南岸
賊乘風直上繞賊舟後反擊之賊大敗盡奪其舟南岸賊疾
入城士秀麾諸軍登岸四面乘城鱗次入賊奪門復走長沙
斬首四千餘級遂復岳州

朝

康熙間逆賊吳應麒

一作世璠

踞兵州運餉自雲貴下沅江趙佳

材以布衣獻策大軍請伐君山竹木塞洞庭水口策行賊遂
困遁去

康熙間滇寇踞岳州黃秀避地山中後人因名其山曰道山
道山秀別字也

咸豐四年粵逆竄岳州其黨魁林某欲以重幣賄邑庠生林
學者翦結為宗族學蕭亟逃去

咸豐五年六月臨湘令姚榮鄉率師勦賊失利戰歿賊四竄
二十四日團總李鉅福等督勇堵臨邑柳樹廠因賊眾無險
可守遂退賊躡追與戰于四六房李氏門首血戰數時團勇
李載昆等歿于陣李氏一門婦女殉難者九人是月崇通賊

竄逼縣境舉人阮淵玉扼要堵截賊退旋賊大股闖入出不
意至宅執淵玉不屈死一門殉義者男婦十六人
有涉及本境者

一在本境為戰地

晉永嘉五年正月湘州流人杜弢據長沙反荆州刺史王澄
遣王機擊弢敗於巴陵

建興三年正月陶侃破王貢於巴陵

北興二年十二月桓元篡位三年二月振武將軍劉裕帥沛

國劉裕東海何無忌等舉義兵無忌進據巴陵欲乘勝追元
直造江陵道規弼曰諸桓世居西楚羣小皆為竭力桓振
勇冠三軍且可頓兵以計策縻之無忌不從既而為桓振所
敗退還尋陽無忌與毅道規復進討振尅夏口三城遂平巴
陵

義熙六年七月盧循寇荆州刺史劉道規雍州刺史魯望之
等敗之詔議劉遵追苜林斬之巴陵

梁太清五年閏五月庚戌領軍將軍三僧辦率眾屯巴陵甲子侯景進寇巴陵賊眾濟江景率船艦並集城下守又介楚漢印於萍泊道廣設甍屋耀軍城東隴至茨除草荷開八道向城遣五十免頭肉薄苦攻城域內同時鼓譟矢石如雨下殺賊既多賊乃引退五月侯景晝夜攻巴陵不克軍中食盡兵疲死傷大半癸未世祖遣游擊將軍胡僧祐信州刺史陸法和帥眾下援巴邱僧祐至楊浦景遣其將率銳卒五千至白塔遙以持之僧祐由別路西上約謂畏已而退急追之及

南岸芋口僧祐潛引卻至赤砂亭會陸法和至乃與并軍擊約六月甲辰約兵大潰乙巳景焚營宵遁

承聖元年十二月壬子陸納分兵襲巴陵湘舟刺史蕭循學破之二年春二月乙丑詔王僧辦率眾軍士討陸納僧辦督杜崩等眾軍發于建業師次巴陵三年九月乙巳魏遣其柱國葛紆于謹率大眾來寇十二月丙辰徐世任約退戍巴陵

唐天復三年正月壬子荆南節度使成汭及楊行密戰于君
山死之 吳以李神福為鄂岳招討使以攻杜洪杜洪求救
于朱全忠全忠遣其將韓京將萬人屯瀘口遣使詔荆南節
度使成汭武安節度使馬殷武貞節度使雷彥威令出兵救
洪洪發舟師十萬沿江東下汭作巨艦三年而成制度如府
署謂之和舟載言其舟長闊和荆州皆載其上舟當作州其餘謂之齊山截海劈
浪之類甚眾掌書記李珣諫曰今每艦載甲士千人稻米倍
之緩急不可動也吳兵剽輕難與角逐武陵長沙皆吾讎也

豈得不為反顧之應乎不若逢驍將屯巴陵大軍與之對岸
聖望勿戰不過一月吳兵食盡自遁鄂圍解矣汭不聽行未
至鄂卅馬殷遣大將許德勳將舟師萬餘人雷彥威逮其將
歐陽恧將升師三千餘人會于荆江口乘虛襲江陵將士亡
其家皆無門志李神福聞其將至此乘輕舟前覘之謂諸將
曰彼戰艦雖多而不相屬易制也當急擊之壬子神福遣其
將秦裴揚我將眾數千逆擊汭子君山大破之因風縱火焚
其艦士卒皆潰汭赴水死

天祐三年楊渥遣先錄指揮便陳知新拔岳州逐刺史許德
動渥以知新為岳州刺史四年秋七月雷彥恭攻岳州不克
冬十月宏農王遣將冷業將水軍屯平江楚王殷遣岳州刺
史許德勳將兵拒之冷業進屯朗口德勳使善游者五十人
以木枝葉覆其首持長刀浮江而下夜犯其營且舉火業軍
中驚擾德勳以大軍進擊大破之追至鹿角鎮擒業

康熙間吳三桂反賊在湖南官兵相拒于洞庭湖口調發江
南舟子舵工數萬集于軍前四年王船山渡洞庭至岳陽持

詩有

湖水青山盡巴邛

戰壘多之謂

咸豐四年二月二十三日湖南軍收復岳州駱秉章鮑超豹

奏言探得逆敵自被省城兵勇擊退後陸續竄至相陰經大

兵前往追截賊即下竄旋于二月二十三日收復岳州郡城

但鹿角等處賊船數百艘驟至城下正欲爬城弁兵登城守

禦一面派勇出城攻剿該匪遂各上船逃匿仍由洞庭下竄

探聞賊船已赴荆河口以下現在岳州雖復而新牆一帶及

北省之崇陽通山通城興國大冶等州縣土匪四起逼近岳

州府屬之巴陵平江臨湘等縣難保不向結滋擾已扎飭王
彝等督帶練勇駐紮該郡就近辦剿曾國藩奏言迎黨屢經
懲創全數竄逃岳州亦已退出臣亦督帶水軍於三月初二
日行抵岳州查洞庭湖周圍八百里港汊紛歧最易藏奸全
湖入江之所名曰荆河上游為監利荊州其虎渡河等處多
與湖水相通屢獲賊探供稱賊內藏湖汊外竄荆河俟官軍
東下再在上游滋擾等語臣現駐岳州多派哨船分巡內則
哨探湖中港汊外則哨探荆河以上必須逐處搜查上游肅

廿五

清然後壹意東下

三月曾國藩奏言初十日早賊大隊即來犯岳官軍眾寡不
敵勢難拒禦各營以次奔潰惟監生鄒壽璋一營五百人毫
無驚怖被賊數千圍住各勇併力苦戰卒得衝圍而出殺賊
極多各勇有退回域內者賊即乘勢圍城三面皆是賊隊推
西面濱湖一門無賊域內居民早亦無米無監士卒已不食
二日勢極危險臣當遣大小戰船艦駛赴西門開礮環擊共
斃賊一百數十人賊勢稍卻各勇即乘隙縫域而出

五月二十日塔齊布等殲賊新牆駱東章奏言署提臣塔齊
布於五月二十日進兵大判驛賊匪在新牆築土城三座犯
要抗拒塔齊布飭都司普承堯由左守備彭三元由右親督
兵勇由中分路進剿並飭中軍都司滕遇春將前隊兵勇進
攻連奪賊營三座賊匪潰竄適兩路兵勇進政繼至塔齊右
率勇緊追獲賊船四十七隻七月初一日楚南軍克復岳州
駱東章曾國藩奏言賊匪復踞岳州分股竄越西湖攻陷龍
陽分陷常澧兩閩官舉人至於六月初五等日駁船退守

廿八

岳州東南圍殊築忠設卡折毀橋梁為負竭久抗之計臣等
念賊舟眾萬盈十非舟師莫能制其死命即飭水師後營知
府褚汝航同知夏鑾知縣彭五麟守備楊載福各帶水勇合
以先鋒衛道等船計共二千人於十三日自省河頭啟行
進泊鹿角遇賊上竄各路時提齊臣塔齊布營營陸營駐紮駐紮新牆
分兵援常澧一帶臣等因其兵力稍準會調知府羅澤南帶
湘勇一千知府魁聯帶室勇一千先後會剿復調環山田常
德馳至新牆搭造浮橋約期水陸並進二十七日褚汝航等

進泊萬石湖親駕小船前往君山一帶見賊舟湧泊甚多遂將小船前牲誘敵逆舟開礮抵拒嚮道官何南青奪獲賊船一號因天色已晚仍回泊萬石湖該營官等業已稱明虛實會商定計臣等二十九日夜分五隊進其彭玉麟埋伏君山南岸楊載福埋伏雷公湖上游夏鑾及先鋒營由扁山直趨南津港褚汝航隨後策應又派何南青在新牆河口多張旗幟作為疑岳兵千刻夏鑾等舟行距港不遠該逆出拒我軍開礮一周轉絕伴斂該道不敢出迨我軍轉以間礮彼此相

持突遣三板數隻斜趨入港賊遂蜂擁而出三板又復伴卻逆舟左右攻圍忽楊載福宙公湖伏兵先起抄賊之尾彭玉麟君山伏兵繼起攔賊之腰褚汝航坐船亦到併力合攻擊沈賊舟數隻匪船登時潰亂狂竄下游自相撞擊我輩嚴鼓進追沈毀賊船百餘號奪獲賊船大小三十四隻槍礮旗幟無算初一日各戰船駛至城下見水陸之賊並空褚汝航等率水勇入城安撫難民踏毀賊營此三十初一日水師獲勝克復岳城之實在情形也時各營水師分泊南津港君

山一帶仍刻刻戒嚴防賊再犯初三日賊果蜂擁而來我軍分五隊迎敵先令嚮導官何南青先鋒蘇勝等誘敵褚汝航彭玉麟楊載福等率船齊進槍礮兼施趁此風擊折該逆頭船之柁逆象落水遂奪其船彭玉麟由湖西抄尾而來正遇大鈞鈞賊船扣蓬迎敵彭玉麟親點大礮羣子散落中賊十餘人賊船即時紛亂復拋擲火罐中賊之火藥船煙皎迷漫哨官把總孫昌國爭先跳入賊船被賊還擲火包身受重傷左營各戰士不稍退怯反冒火衝煙奮力追殺殲斃偽丞相一

名汪得勝楊載福坐三板艇由湖東沿岸斜行捷如飛鳥及近賊船舉旗一招象礮齊響載福微傷左臂轉戰不休該匪三路皆敗自相讐殺狂竄下游褚汝航往來策應督令大隊進追由城陵磯羅山白螺磯等處直追至臨湘縣對河距岳州七十五里時日已西沈鳴金收隊逆船三四百號全軍覆沒十八日駱秉章等奏言臣曾國藩偕鎮臣陳輝龍於十五日抵岳時賊雖屢敗尚盤踞城陵磯下游一帶又將漢口賊舟數千傾巢上犯連檣數十里十六日陳輝龍自坐拖罟督率

所部前行褚汝航夏鑾分坐戰船繼進李孟羣尚未到岳其
前隊廣勇先到此者亦隨陳輝龍會剿左營彭玉麟右營楊
載福均酌撥長龍三板藉作聲援時風色尚^覺平靜行至城
陵磯正遇該匪出隊上犯該鎮道等排陣合攻槍礮齊發賊
即竄_下游擊沙鎮邦礮船乘勝跟追陳輝龍見風勢愈大即
插旗收隊復恐沙鎮邦頭船有失督催拖罟趕往救護奈船
身重大膠淺於激流旋渦中該逆見拖罟膠淺即時蜂擁而
來伏船亦出水師各船奔往救護又被風橫吹而下互相擁

廿九

槍擠礮難施當被賊船擁近兵勇陷入重圍不能進退被賊
執斃多名陳輝龍沙鎮邦均陣亡褚汝航馳往拚救手刃數
賊與夏鑾均被重創落水殉難廣東署千總何若澧廣西帶
勇候選府經歷唐嶸一同遇害惟彭玉麟楊載福二營獨全
十八日臣塔齊布親督陸營出隊適逆匪三千餘人由城陵
磯舍舟登岸思欲踞險紮營並分三股來撲我軍亦分三路
迎剿臣塔齊布匹馬當先兵勇奮力猛進該逆見中路已潰
猶敢佯敗以圖合抄官兵愈奮^{殺愈}賊始敗走搶舟逃竄我軍截

殺直追至擂鼓臺地方現在水路關鍵以城陵磯荆河腦為
扼要之區如能防守謹嚴則西可塞由荆人蜀之門南可截
由湖入湘之路

二十一日岳岳州水陸官軍四獲勝仗駱秉章等塔齊布親
督陸營進剿行近城陵磯遙見逆有土城都司諸殿元拋擲
火罐延燒賊壘帳棚逆賊敗竄正在跟追詎湖汊伏匪齊出
諸殿元兵力太單力戰陣亡塔齊布揮軍往救轉敗為勝
二十五日逆黨萬九千人由湖北悉銳來犯占居高橋地方

距羅澤南湘鄉勇營十里鳳凰山大營十四里

羅澤南與提督塔齊布之兵會戰於大橋也以岳三百阻江
大橋南北孔道賊必爭獨帥所部李續賓蔣益澧等扼其險
四戰皆捷

二十六日賊分撲鳳凰山大營數以萬計塔齊布親督將弁
槍礮齊施賊分路抄襲我軍亦分路迎敵無不以一當百適
羅澤南等追至會合併攻賊被追過河溺死不計其數二十
八日塔齊布直擣高橋賊壘正衝突間大股續至適羅澤南

湘勇繞抄賊尾賊後路受敵立即大潰周鳳山等併力齊攻
賊始敗退歸巢二十九日賊分數股來撲塔齊布揮兵迎擊
將中路之匪擊退其左右兩股亦經周鳳山羅澤南等殲斃
無數其別隊千餘人亦經李續賓等橫截分抄曾國藩以賊
勢全注陸路其水路必虛密飭各水軍乘隙進剿楊載福等
於是日率船進攻道員李孟羣亦派戰船策應行近城陵磯
見逆船十餘往來馳突我軍見船即擊燒燬數隻賊皆墜水
東岸追至柵鼓臺西岸追至荆河腦忽伏匪兩岸擁出希圖

抄尾我軍愈奮轟擊無遺把總秦國祿鄧翼升等深入賊巢
賊遂大潰閏七月初二日塔齊布等進軍高橋復敗賊於城
陵磯岳州平塔齊布曾國藩奏言閏七月初一日陞用道李
孟羣親督戰船出隊至城陵磯下游擊敗賊匪初二日臣塔
齊布傳令進剿羅澤南周鳳山魁聯李續賓等分路並進立
抵高橋燒燬賊營七座餘匪奔城陵磯一帶臣塔齊布帶同
李續賓等直赴城陵磯該逆出隊二萬餘人開礮互擊我軍
伏地前進臣塔齊布策馬首先衝入湘勇繼之各兵勇一擁

而前適大雨如注賊燬不燃我軍乘勢猛撲羅澤南周鳳山等分抄合擊踰溝越牆頃刻間屍橫徧地一營既破其五營亦同時踏平該逆自相踐踏我軍四起趨殺追至江岸共踏毀賊營十三座臣國藩當飭李孟羣水軍三營追剿該逆先開所擄民船而以戰船拒後楊載福蕭捷三等從東西兩岸抄擊李孟羣從中路進攻該逆驚竄時已昏黑我軍暫泊擂鼓臺下初三日分途進剿先從荆河口沂流而入後於東岸之旋湖港邑蕉湖道林磯鴨欄磯西岸之觀音洲白螺磯楊林磯羅山夾洲等處搜

擒敗匪踏平賊營九座礮臺三座初四日楊載福蕭捷三等追至倒口石頭關等處疊有擒獲後追至陸谿口剿洗無遺塔齊布在甘田石塘率三百餘人遇通城賊千餘人殺賊數百人官兵死傷亦眾只餘三四十人

五年六月二十七日道員江忠濟等敗賊楊安橋二十九日恩霖等敗賊關王橋駱秉章奏言逆賊由臨湘桃林竄入新牆江忠濟等帶勇行抵楊安橋遇賊數千攔頭迎擊擒賊目八名陣斬十四名賊始卻退分竄關王橋等處二十九日恩

霖等集團勇四萬餘人分途進攻聲勢浩大闕王橋賊望風而潰追斃賊數十名燒燬營棚八十餘架連日追至花古園方公洞等處沿途擒斬不下數百名各路敗匪仍退歸詹家橋北港老巢

六月派防巴陵縣毛田管帶湘勇軍功童生劉騰鴻帶湘勇五百堵毛田破土匪李日逢之巢穴先是日逢嘯聚數千人交道粵逆遠近劫掠為民害居人乞援騰鴻出不意倍道而進賊殲焉

三十三

七月初二日江忠濟派守備郭漢雲徐志近等擊退巴陵縣之方山洞橋頭梨樹坳等處賊匪

九月初三日童生劉騰鴻從九毛英勃探通城之賊分援莊泉花涼亭等處距毛田三十餘里即派隊由摩斗嶺分路掩捕

十月二十日通城賊分股千餘至巴陵白箬壘築營以圖南犯毛英勃等迎擊之於相思峒追燬白若賊巢賊仍退通城

一以本境為險要

晉咸和四年三月壬子以征西大將軍陶侃為大尉對長沙郡公侃平蘇峻還江陵以江陵偏遠移鎮巴陵

隋大業十三年蕭起錢起兵巴陵自稱梁王時岳州校尉董景珍雷世猛等謀反且推景珍為主景珍曰吾素微雖假名號眾不厭羅川令故梁裔也吾聞帝王之興必有符命令隋冠帶悉號起梁蕭民中興象也今推之以應天順人不亦可乎乃遣人告銳會潁川賊沈柳生寇縣銳出戰不利謂其下

巴陵豪傑將推我為主今天下叛隋吾能守節獨完哉且吾先人國於此若徇其請復梁祚因以半紙檄召羣盜誰敢不從眾悅乃以十月稱梁公柳生以眾歸銳用為車騎大將軍不五日遠近爭附眾數萬乃趨巴陵景珍遣徐德基郭華率強姓數百迎謁而先見柳生柳生與其下謀曰梁公起我最先附動第一今巴陵兵眾而位多誰肯為我下不如殺德基質其人獨挾梁生以進則吾誰先因殺德基詣中軍白銳銳驚曰今欲撥亂遠自相圖我不能為君主矣步出軍門柳生

伏地請罪銑責宥之陳兵而進景珍曰德基倡義竭誠柳生
擅殺之不誅無以為政銑因斬柳生於是築壇城南自稱梁
王建元鳳鳴義寧二年僭稱皇帝西至三峽南至交趾北距
漢水皆附屬

咸豐四五年間賊目李秀成由湖北通城崇陽不時竄入巴
陵官紳會議捐建碣卡十座以固封境其一在小界一在大
界小大界在縣東南一百七十里 孟城嶺距銅鼓山十里
下有碣卡連臨湘雁嶺摩斗嶺界通城在縣東一百三十里

下有碣卡

一在本境屯駐

漢建武二十四年秋七月武陵蠻寇臨沅伏波將軍馬援率

四將軍討之二十五年軍次下雋

下雋宋曰岳州巴陵縣

建安十三年秋七月曹操南擊劉表自江陵追劉備至巴邱遂至赤壁遇周瑜兵大敗取華容道歸還於巴邱

十九年吳遣呂蒙督兵二萬取長沙零陵桂陽三郡使魯肅將萬人屯巴邱以禦關羽又大屯戌魯肅守之郡城即肅所築後主建興十二年吳增巴邱守兵萬人

延熙十六年陸凱討山賊於零陵拜凱已邱督偏將軍

晉泰始三年吳以右丞相萬彧鎮巴邱

永和元年都亭肅侯庾翼表子爰之行輔國將軍荆州刺史委以後事司馬義陽朱黨為南蠻校尉以千人守巴陵

隆安二年秋七月殷仲堪遣南郡相楊佺期屯巴陵

梁太清三年湘東刺史河東王譽軍於青草湖

一名巴邱

五年閏四月庾戍領軍將軍王僧辨率眾屯巴陵

後唐天成二年三月劉訓兵至荆南楚王殷遣都指揮使許
德勳等將水軍屯岳州

宋紹興二年秋七月庚辰韓世忠討劉忠駐兵於岳州之長
樂渡大破之忠走淮西

五年岳飛討楊么屯兵七里山在府北七里又楊么砦在縣
南六十里

嘉熙元年三月詔許晟大募三千人屯岳州

開慶元年元大將巴圖爾等以舟師起岳州遇宋將呂文德

州七

自重慶來巴圖爾等迎戰文德乘夜入鄂城守愈堅各十月

辛未朔移駐為龜山甲戌巴圖爾還自岳

德祐元年八月己亥元兵駐巴陵黃沙明成化中置哨鹿角

崇禎十六年五月張獻忠陷武昌長沙大震永天巡撫王楊

基率所部千人自岳州奔長沙蔡道憲請還駐岳州曰岳與

長沙唇齒也并力守岳州則長沙可保而衡永亦無虞楊基

曰岳非我屬也道憲曰棄北守南猶不失為楚地若南北俱

棄所屬地安在楊基語塞乃赴岳州及賊入蒲圻即遁去湖

廣巡撫王聚奎遠駐岳州憚賊不敢進道憲亦請移兵聚全
不得已至岳數日即徙長沙道憲曰賊去岳遠可繕城以守
彼犯岳猶憚長沙援若棄岳長沙安能獨全聚奎不從

國朝康熙十三年天將軍貝勒尚善駐師七里山

即宋岳飛所駐

以

計吳逆偏沅巡撫韓世琦與吳逆血戰處有碑

是年偏將吳應麒踞金鄂鷄山築壘穿濠自山下繞城北九
龍隄周二十里許山在縣東南五安里安遠靖寇大將軍貝
勒尚善駐鳳凰山立大營山在縣東十里有土城

鳳凰山俗呼煙墩山

十六年二月增置岳州水師營以都統鄂內為討逆將軍帥
師赴岳州

十七年六月大將軍貝勒尚善令卜世統兵進洞庭往君山
規取岳州賊乘烏船出詎擊敗之復令防禦東湖卜世移駐
扁山敗賊於西湖柳林紫甯擊壞賊船四賊遁入城

大兵討吳逆屯兵於柳林紫甯偽將軍江義等駕巨艦二百餘
乘風犯柳林紫甯貝勒察尼令水師掉輕舟擊敗柳林紫在濠

溝北察尼又駐軍於鳳凰山

即尚善所駐

十八年討逆將軍鄂賴與分守湖廣等處地方哈什庫駐軍
白石嶺嶺在縣東二十里上有古仙廟事平鄂賴重新其廟
七里山下卧一碑書大司馬中丞公偏沅巡撫韓公世琦血
戰屯兵處是年韓公為巡撫曾重修岳忠武廟也其殆即在
此時

是年湖廣總督蔡毓榮奏言大兵討吳逆駐師君山波浪不
驚升帥奏提

咸豐四年提督塔齊布擊髮逆駐兵鳳凰山

即貝勒尚善具
勒察尼所駐

廿九

駱秉章奏言岳州關係甚大必須重兵駐守始為計出萬全
應請仍遵前旨飭令胡林翼駐岳著防搜捕餘匪以期安
慎又奏言楚鄂交界險要地方無過岳州城北十五里之城
陵磯荆河口等处對岸相距不逾十里湖南全境之水入湖
由城陵磯而入江四川全境之水入江由荆河口東下水道
守此湖尚一省固可無虞即湖北之荊州宜昌以及入川水
路均可控扼然欲於此設防自不得不籌備水師多造船磯

六年即選道王金銓帶兵駐岳州督辦巴陵臨湘蒲圻通城崇陽
各縣團練並分道越境剿賊

耆舊錄

事業

一曰孝

宋楊總字公元修身力學起名進士為石首尉作樂養軒於
廡東以奉二親安否之間日至廡闔閨門中怡聲妥節先意
恭順婦子御侍亦化其誠孝相與以給其力

陶竄字甄夫父泓沒於滇之教化長官司地竄攜幼弟徒步
六千里歸楚經營瑩域復隻身奉母扶父柩歸

四十一

明文質宏治己酉鄉舉官夔州通判性篤孝母老悉怒不常
質於母前為兒戲曳朝衣拜身以悅母有老萊子之風
唐世柱字肇元少孤事母至孝舉孝廉

童佐明事母孝母病同弟泣禱請以身代割股療之母病尋
愈

余坤字月田正德己卯鄉舉官江西道監察御史其為人清
介尤以孝著

廬居廬中三年每夜泣誦報母經族眾共額其門曰宗族稱孝

杜宏泰嘉慶辛酉舉人家貧篤內行嘗省姊數十里外比返姊念道遠為置餅橐中宏泰忍饑不食持奉母母為泣下授徒三十年主人或設豐饌恒輟食歸遺

楊望緒父文蔚患沈疴望緒日夜泣禱密剗左股以進父病即愈望緒族姪世燮父和顯病篤世燮剗股療之亦愈

廬同益母病割股合藥以追母病尋以己官旌以額後母死

同益三年

徐清盛性至孝親老朔望必焚香告天願減己算益親待香燼乃起父母病割股療之後父母俱得年八十有二

許欽揖候道巡檢少事母以孝聞咸豐間紅巾賊充斥里間欽楫數負母逃匿後奉檄團練措理有方以母故屢卻當事之徵侍母病不解衣就枕者數年嘗以事外出忽念母急籠燭歸風驟起滅燭嚴冰前阻絕澗皆黑不可渡方錯愕間燭餘燼忽然人謂鬼神呵護孝子也母歿楫朝暮上食如平生年

七十有三其孺暮猶未衰云

余冠軍父早世母許氏病危冠軍割股肉以奉

王厥攸荷塘鄉民也性質樸而孝祖母黃年九十六輾轉牀

蓐間衣服飲食需人而子婦復老且憊厥攸獨身侍祖母五

六年如一日祖母歿叔祖以榮年八十無嗣事之一如其祖

母其母晚年病消渴厥攸夜數起進飲無間寒暑

傳東疇火業賈性誠懇而孝母病篤東疇禱於神割左臂肉

和藥進母疾即愈

四十四

何秦南父病篤刲股療之後其父歿遵忌日必哀族黨以孝
稱

萬德深邑庠生父性卞急盛怒施扑撻德深順受無忤色父
出常夜歸德深躬履所由途盡去其石之妨於行者

周祚柳字惠采父啟濤以篤行聞於鄉里喜為詩年及八十
祚柳不去左右侍疾恆連旦及病篤祚柳屢哀禱名山夜夢
或謂己以汝孝故增汝父壽二歲明日林樹下當有以教汝
越日大雨祚柳行過流沙溪巖土忽墮有物若黑鳥者墮地

尋之獲石一父病果愈其長孫貞陶攜此石都下謝編修維
藩與諸同館定為雷楔為作秋巖獲石圖徵詠以誌孝感祚
柳居父母喪皆三年不去墓所

方榮炯字明善江西候補府照磨割股療本生父方大浚字
祥雲事母亦以孝聞

易作謀孝事節母張氏歲禱大雲山求益母壽母病危作謀
號慟籲天請身代刲股和藥以進母竟愈善舉如建指路碑
修橋梁可以成母志貽母令名者不遺餘力為之母恒病起

四十五

居飲食作謀必親視不離母側者四十餘年

陳久韓父步芹母周氏年皆逾八十久韓終其身孝養無缺
居喪三年不薙髮雖盛暑不去縗經刻木為父母像供像之
室候寒燠所宜而迭遷之出必稟命像前年且七十距親歿
二十餘年不衰其孝蓋出於天性云

李安玉耕夫也能事父母母卒廬墓三年樹長竿懸燈墓前
曰使行人長念吾母有告以將采其事入邑志者再三祈免

彭大與父病年餘大與到股以進疾頓愈又其族政均早失
母事老父以孝謹稱

李信軒兄弟數人多客游唯某與兄嫂奉母居母獨愛長子
子婦信軒不得與比數然母病卧二十餘年左右獨信軒在
信軒侍母疾久食必具肉肉必使餘於母食徹則以歸兄嫂
或他出歸必為母述可戲笑事或效小兒女嬉態百計以博
母歡即遭呵斥不為減同時又有喻某者母病瘖且痿某負
以行事母二十餘年求所以悅母者與李略同

四十八

戴宜春所居號燕窩戴家素業農以母疾禱大雲山歸而到
股母啗之立愈事在光緒九年其弟升後偶與儕輩道之或
驚詫之問其詳答云吾兄到股後病創父迫視乃知家人亦
未嘗舉以告人不知此即是孝也

龔黼休浙江候補知府母李氏年高隨奉於官偶有不快黼
休則跪母膝前投首於懷得歡笑乃起

汪昌橋年十三為諸生光緒元年舉孝廉方正科嘗到股以
療母疾

許逢時字檢齋早知名庠序家貧以母故不容遊精醫術病家或酬之擇而後受受則盡以養母喜山水所遇或為設飲輒忻然就醉惟不食肉或疑其近佛有與往還最密者私語人曰彼自不忍其親之疏食耳

胥傑號特夫居父喪哀而有禮家貧仰給教讀畢葬詣館所懸父像室中日上食器泣弟子感悲感焉喪葬費以教讀所入獨任之不及諸兄又獨奉老母年八十餘晨昏盡權

熊維占字介亭郡庠生家故貧資課徒以養常徒步數十里

四十七

外得主人餽物必緘笥以俟歸遺宴食化所遇可裏寄者亦如之前後居父母喪連五年飲食居處無復生人理道咸聞吾邑論孝友莫或先焉

方捷昌號新莊乾隆丙申歲貢生少時尤竭力事其親每日躬治稼圃并向各瑣事負米一百里以養者率其常也夜篝火坐誦達旦不休平日文藝皆隴畔及長途成之父及奉母有加焉年二十九補弟子員科試食餼巡撫開公潛訪湖南人士獨以文行兼優檄入嶽麓書院督學毛公稱其讀書孝

友能開戶自愛將以優行貢於朝悉以奉母辭蓋誠不忘其親非有所強也

謝維藩事母李至孝善伺顏色百計奉甘旨母或不懌則長跪前請必候其意能解歡笑而後已

黃鳳翔字凌元崇禎末父被賊虜鳳翔傾家產得千金徒跣齋往求釋賊感其孝俾與父俱歸

以下補遺

方顯字敬齋官黔臬時年已五旬餘鬚髮頽白母怒則長跪請罪後官至廣西巡撫

四十八

方應清字秋鑑官山西雁平道子五人聯甲聯第聯進聯敘聯會執親喪偕處苦凶不入內室者三年

程銘璜字日新應試於府列名首縣士聞父病不待竟後塲而歸父尤之命復往則已畢試矣太守嗟異之明歲更新守

公又試得首以入學焉

方宗徽字慎夫幼聰慧事父以孝聞

方聯會族誼最篤妻費氏常置錢荷囊日扶藤杖隨一婢徧歷
族中貧者問諸婦曰炊乎或告之窘即畀以錢如是者二十年
常罄蓄以贖其急不足則繼以質貸婦張氏好施如其姑族中
貧者數丐貸未償復來僕婦曰若更與彼則吾家明日不足張
曰吾家明日始不足彼今日已不足矣速與之尤加意贖獨沒
後有孤貧老婦過庭驚曰此陰隲太君之靈也
徐曾福族故多貧老弱無告隨時贍給遇有疾及昏喪無力備
醫藥籌錢帛成全之

四十九

記名提督陶定昇捐支祠義田一百二十石以作春秋祭費及
贍族貧立義塾各費

山西布政方大澍捐田三百石以備贖恤閩族鰥寡孤獨冠婚
葬祭並歲修遠近祖墓等費

一曰媼

方宗徽字慎夫廣東海康縣清道司巡檢韓貞女者其妻之姪
賴宗徽資助由數千里外歸夫家武昌以成其志

戴尚炳饒於財戚友貸不能償者即焚其券

徐曾福感其貧不自存今移家與隣衣食婚嫁子弟送讀皆賙
給之

一曰任

明易海天順己外舉人授潯州通判抵任郡守李宗美卒已一

月尋攝守事閔李止遺一妾且病甚貧無以資海擇老婦供役
力周給之少間助白金三百選吏與婦護李喪並妾歸囑視安
厝乃詩旋

程銘璜家極貧年十六即為人課童子師里胡氏請之以歲奉
八金璜諾之矣他家聞而爭請三胡氏之奉或勸公遷就之公
曰吾貧金多固善頃吾已諾胡氏且吾始出而誘於利利可盡
乎竟館胡氏主人高其義歲增其奉學徒益進卒以教讀致有
薄產遺之子孫

一曰友

國朝方聯甲聯第聯進聯紱聯會兄弟五人以孝友聞惟聯第
紱年六十有四前卒卒餘四人者年皆七十八十白頭相對左
圖右史蕭然物外時人以此比商山四皓

趙登模者侍兄謹甚兄沒事嫂方氏始終如一日兄先建別墅
於宅右形家言不利宅兄卒羣請毀流涕被面曰兄當其禍吾
豈忍乎哉卒不毀時甫一子即以嗣兄本身妻室封典請貶贈
其兄嫂或稱君孝友則曰謝太傅事寡嫂如慈母是又足道哉

五十一

方宗翰字西園嘉慶庚申舉人篤孝友謹產諸仲有古人風義
汪佳士字作堂嘉慶辛酉舉人家故貧遺產十畝推兩弟為官
竟不名一錢
方應綸嘉慶己未進士家析著讓其產肥者以與兄

方堃字冉亭嘉慶戊辰副貢屢割膏腴以贍兄弟之貧
何繼詢從其兄行商於外舟行兄失足墜水繼詢奮身擲下援
兄出水繼詢力盡投水死

唐耀邦繼叔後後叔舉子邦薄取田產餘財悉讓弟弟家中落
復推解周卹人稱其有薛包之風

王厥猷荷塘人家小康析產為二與兄各籌取其居歲餘兄謂厥攸所得贏即請互易之無吝色

張萬嵐年八十歲姑萬嵐弟歿時子女皆幼弱家故貧萬嵐攻苦食力不自娶專以所入育子弟勸勞備至歿後弟子菊村為立嗣置墓田以時祭享

胡九疇年七十兄弟久析爨兄子璋年十八以貧故廢學而傭疇減衣縮食資璋讀歲奉璋傭值歸兄璋後入邑庠

徐先登字雲溪以孝友聞嘗築室所居東偏額其堂曰怡怡邑

五十二

名公為勒文以美之

汪次書兄弟六人壽皆七十餘友愛彌篤治家寬嚴有法內外百餘人咸遵約束

葛德深母早喪父命眾子別居德深罄產與諸弟歲課徒自給復劃歲入之半奉父給諸弟

周祚柳以孝稱子焜邑庠生四世同居人謂孝子之報云
戴尚炳字建垣年八十餘樂為善待兄弟推財讓產

杜植出遊道經族某家某子貧不就學割肩輿貲送讀徒步去

方朝梧字鳳岡早失怙恃姊一歸余余先富後貧梧僅中產調其錢谷衣物三十餘年年以為例梧沒妻李氏克成其志姊以壽終

李時俊字雁東家析箸落分業稍肥舉以讓姪

龔顯行兄弟篤愛弟早亡戚戚終身家不分異子黼休與從弟居不啻同胞

徐曾福與弟析居盡以佳田與弟

尹之憲字醒吾名諸生教授鄉里前後所入脩脯無慮數千金

五十三

悉奉親以分潤諸昆弟或勸為妻子計憲曰吾此軀殼何自來乎而以為妻子也垂老遇益因所以處昆弟間者周密無間蓋至性終不衰忘云

趙鍾第尽推先產肥美者以與兄弟

方捷昌昆仲三人仲早世謹事伯兄如父伯兄以乾隆癸巳卒一子一媳相繼不祿孫二長者僅五齡幼未周二捷昌命其子媳思育之飲食教誨尤親任其勞二孫更多病嘗終歲困於床褥藥之餌之起其死而回之生不知其幾竭心血幾廢寢食也

中間水旱疾疫家私拮据不少懈於茲近二十二年二孫各抱
子樸者孝弟秀者詩書皆可自成家室尚未忍釋于手

一曰睦

前朝明方賓字仲先宏治乙酉鄉舉性方嚴不苟言笑以義訓
勵族人終其世族無爭訟者

傅大綬字觀光諸生學問該博尤工詩建曲水園家塾教族子
弟

徐先登性善施內外期功近屬待以舉火者常百餘人積穀且

五十四

萬石求者不責其質以有貸無償折閱大半後遇歲歉乃糶穀
他所減價以濟族中無賴某挾宿忿來假水車與之則曰胡與
我舊者率兄弟毀車肆詈其仲弟勃然起先登挽之徐言曰彼
指名我於尔無與也皆一笑而罷其能忍如者此

徐承照號克軒巴陵三都人家田不盈六百畝以二百畝為公
田施族之鰥寡婚喪不學者餘以置義學

生員楊雲龍監生楊南陔先正等倡建楊氏義學捐置義田二
十石以為每歲經蒙二館課讀之資

方應清官至山西雁平道葭州收集卒於官逋懸累應清百計彌縫竭囊資以歸其孥

何敦五輕財任俠本乎天性周貧士不待以請有湖口局員某將以虧項七百金被揭敦五慨然任之座客常滿監湖口鹽務掣驗二十餘年費遺產過半

方功謙字六皆安化教諭工場屋文族中顯達者僉自謂其父不逮嘗手注周易未及完編而歿所為族團議最著子大同字逢吉為沙市賈人日出納途次拾遺票為錢三十貫訪其人而

五十五

還之其人欲割半以酬大同曰得半何如得全舍全而取其半吾其愚也立謝絕之後由沙市歸或問大同汝果有此乎曰有之問者愕然謂事在數年前汝之歸屢矣何不聞一言及也大同曰粟為其所遺自當歸夫何言

一曰邱

明程謨萬歷中大饑設粥食餓者活千餘人卒年八十二

蕭時逢字少玉官會川巡檢居鄉施藥餅子棺轉買山作義冢

萬歷十六年洞庭風大作覆溺四十餘人時逢悉欲而瘞之知

府王滌表其閭

袁啟賢字三益家寺仁厚萬歷庚申歲大飢散穀萬斛家遺積善二字額

江禹合崇禎十六年獻賊陷郡斬殺無算積尸盈野禹合捐資

收瘞於丁由橋官道之南推官戴吉人碑題萬枯壘

楊燾文字壽臣年四十餘無子貸金買妾得武昌易氏婦甚少

五十六

艾而有威容詰之知其夫游惰姑瞽賴其鍼繭存活燾文惻然

即買舟送歸不索原值人服其義

虞客卿字子墨巴陵人負節概家累千金一旦散殆盡尋山探

奇從孫山人遊卜居元石山娶妻耕畝以自娛樂

國朝方世祥饒於財喜濟急妻許氏亦好施與雍正五年大饑賑粥

數月全活無算每冬製絮衣給寒人生女不能舉者資之死無

以斂者棺之造三舟以濟南津巷三江皆諸渡輸重金助修三

眼橋嘗謂諸子之數者皆而父志而父自節嗇當施者弗惜也

子五長顯廣西巡撫三安世有田九百石餘亦著聲譽序間子孫科甲七代安世樂為善一日從外孫林氏飲會酒歸道過冷舖子值日暮宿葉姓饌館見老婦與少姬哭甚哀安世廉得其情即將會金五十兩贈之問其姓名里居弗答鄰近有安公山者詢之土人知安世與此地一農叟相識以家貧將山售於安世不數歲叟卒安世仍以畀其子山之得名以此

陳學灝庠生乾隆戊戌歲歉極力周卹里閭至鬻產以應人求杜宏澧當兄宏泰官弋陽勤苦治家如貧時道光壬辰里中飢

五十七

宏澧斥穀千餘石不責償宏泰長子植以義聲著稍與有連者值其困乏輒私自慰曰有杜某在吾何慮於是及植既死且久則又歛歔曰若杜某在吾何至如是

汪涵字左庭道光甲辰以第二名舉於鄉饒於財好施與道光己酉歲大飢涵賤糶以濟復料里中丁數繕諸冊丁統於戶戶各有長戶長按丁而日給之米里人賴以全活妻孫氏賢如其夫恆多蓄故衣敝絮及良藥以待貧者值偶缺或代乞諸人曰我求易得彼則難致也有自貸於歲餘者或謂孫此尚能必其償

手孫曰今何時彼求於我而不得則他無可求者矣卒與之
趙賡盛有穀萬石夏貸秋斂斂時嵌木量中陰減可四升
許逢時家故貧然道遇可於憐者值囊中有錢必探與之曰吾
惻隱觸彼而動此即生機也機不可遏遏則無生矣

吳達德號研田候選按察司照磨人求貸必應貸以訟必辭其
家舊積穀萬石歲貸於鄉人以取息且老與其弟謀曰吾田
產足業又積穀不已遺子孫多財非長計今歲薄償貸者艱盍
舍之以利鄰里乎遂散其積萬石人爭頌君君曰吾自惟心計

哀冀少事耳

何錦雲福建候補通判上病自免歸之不復理家事獨與里紳
共捐辦洞庭救生船局為先是濱湖鹿角置局曰敦善堂收掩
溺屍及施與貧者棺木與吳氏所共建錦雲云又與吳士邁為
船救生其所捐幾二十金至是益廣籌其費

徐承照食飲與衣皆儉陋一日見人以貨錢鬥者遽止之而償
其負歲儉冬寒甚語其弟巡檢君曰今日我大寒必加裘乃已
賈穀者衣物多在此奈何明日即呼鄉人與衣明春召還穀者

以其穀與之凡出穀千餘石不復質焉

趙登模建城陵磯義渡并捐田十八石

周宗際字文會子嗣鉞字有度鉞子聯魁字鄭瞻三世以好善樂施聞鄉里魁出倉儲以四斛為一石其一溢而不概貸人穀三千餘石又金一千餘兩不計其還聯魁子道繼先人志光緒壬午年取三代簿券焚之有焚券詩曰債券還將三代焚非關葉茂廣培根只因結義全鄰里毋使矜驕誤子孫衣食頗餘斯我足心田不賣為誰存敢云一體同仁視聊表先民施濟恩

五十九

陳國珍累古好施乾隆己卯歲飢國珍出穀八千餘石散給鄉鄰不責其還時已平通三縣全活甚眾有司皆獎勵之

直隸卅銜楊一言嘉慶戊寅修府城棚廠街道自南門至小北司前計費千餘金李昌藻道光辛巳捐修郡縣學宮增立考棚坐舍

羅高展李劍華前後捐篋口義渡船一隻木橋一渡共田地五石舖屋一所對面屋一所

吳士邁生平急公好義於敦善堂局尤精力之所注先是士邁

之兄士選與何錦雲設敦善堂鹿角收瘞浮尸至士邁益設救生船隻插引洪路并分堂岳州捐金萬計行之五十餘年全活者數千人今官設救生局於岳州石而鹿角敦善堂尚聽其何自為之

鍾謙鈞官監司不厚積以遺子孫於湖北捐修晴川書院育嬰敬節各堂於廣東捐修菊坡精舍助賑直隸水災已見

國

史本傳其邑中義舉如修葺學宮改建試院勸建社倉積穀五千餘石修岳陽樓之剝岸建七里山之塔設文誼莊助邑人賓

與公車之費設義塾以教其村人設南津港義渡義漿以濟行人而三眼一橋費尤鉅廉俸所入施散殆盡謙鈞頗不以此自足

方大湜捐田二百五十二石以備歲科西考府縣學師贄儀並各學書十隨封簣費又田六十石以備歲科西考硃價院費並會試賓與公車等費今裁缺訓導及硃價等田光緒丙午秋田已移作公立中學堂常年經費又田一十六石以備設立新牆義渡之費並渡船四隻獅子暇田二石以備游港復與義渡之費

吳桂棻倡建渡船涼亭一所費八百金

贈建威將軍陶玉書修金獅橋橋隄五里牌長春橋隄各一座
陶廉讓堂於萬石湖內徐德富門前設立義渡捐田二石
胥健陽光緒元年添設白叟渡渡船一隻行者稱便又胥會堯
之母余氏捐建賡王橋一座

易幹三捐西河渡船四隻渡夫四名旋捐田三十石以作歲修
修涼亭以息行旅復置柴家嶺屋六間以作義渡公局馬家灣
屋上椽以作水退時收藏船隻之所建橋四一雷步橋為長湖

二十一

驛路一白叟渡橋為往來岳州要路一好善橋路通新牆市鎮
一重修楓樹橋又捐縣金鸚書院膏火田四石七斗五升

費某建學士廟至費家河三橋上曰對家橋中曰蒼司橋下曰
寺場橋

李曉峰修東溪洞菴上橋

周桃溪楊紀官修閘五橋石橋三贊計費三千餘金光緒年間
橋毀於蛟周楊二姓重修

方英俊修沙陂二龍橋高三丈餘長十丈寬一丈六尺拱橋渡

費六百餘金穆家渡小港石橋一渡謝家灣港中橋一渡共費二百餘金

趙啟相以商賈起家子儒鑫遵其遺命捐岳陽書院經費銀二百兩金鶚書院膏火錢二百兩城團積穀三百石直東豫三省賑捐費二百四十串巴陵縣志費一百二十串

戴尚炳為巴陵臨湘西嬰堂捐資數百串建石橋於邑北之譚家嶺於城南觀音閣修石路以利行者又建太平池于水龍局傍以禦火患遇夏疫廣施藥餌嚴冬施衣米鄰集以貧出妻尚

下十二

炳解囊助之妻復歸于塗家益豐修花板鋪橋一渡隄長半里許行人使之費錢二千餘緡

彭勁青因長嶺頭至城天雨路溢泥溜難行擇於上下坡布以石費錢五百餘緡

謝慎徽捐修長安橋港義渡方家龍及遷西坪石路費錢二千餘緡

黃元吉嘗解衣覆道旁凍者子魁九亦嘗往省舅家值舅族弟某死無以斂時方盛寒魁九即解衣衣之

讀經彙記

卷十三

學問

一曰經

楊柱朝詩經訂論 見府志 藍大鴻四書講義 見癸亥志 許伯政易深

八卷詩注二十六卷附詩綱辨義十三則春秋深十九卷

黃升四書講義 見舊志 張矩周易直解 見壬申志 林文竹四書講

義貫珠 見壬申志 向序四書講義 見壬申志 吳肇光書義存誤易學

圖書衍數序卦綱領易學經傳率揆詩學逆志春秋比屬禮

經疑義大學古本會訂

八十四

方宗鈞周易釋義

李鏡瀛四書講義 方大瀄四書通義毛詩墨守毛詩提要

方堃古本大學朱義大學衍義淺說

方堃山海經辨正圖註禮類攷證易象原義春秋本例 吳敏

樹論語大學中庸考義別鈔 孟子考義發詩國風原指春秋

三傳義求孟子春秋補注 胡應筠春秋傳說彙

杜賁墀鄭氏經學考 鄭注羣經互異考鄭氏易義考鄭箋引易

鄭與穀梁同義 考餘見小學 典禮質疑 春秋淺測 公穀傳注使若例

杜貴墀通鑑采書例 後漢書注例 舊唐書傳例糾正合纂
五代史記注削繁 漢律輯證 漢雜事輯 湘中記輯 汝
南人物志輯 興國州志 續修巴陵縣志即辛卯志 巴陵人物
志 四庫全書提要補證 讀史彙記

一曰子

楊柱朝廣法言

吳肇光鬻子論道屈子讀詩董子讀書

杜貴墀經史決事

經世纂言

讀書法彙

悲憤錄

稱謂

錄

恆言錄補

讀諸子彙記

一曰集

薛瑩洞庭詩一卷 見宋史藝文志

唐賢君山詩一冊 唐賢岳陽樓詩一冊 均見葉文堂菘竹堂書目

廖伯憲岳陽唱和三卷 君山寺留題詩集一卷 翁忱岳陽

別集二卷 均見宋史藝文志 岳陽紀勝三卷

岳陽樓古集三卷 洞庭君山詩集二卷

岳陽樓詩集二卷 均見錢曾述古堂書目 岳陽樓詩一卷 見焦宏因

史經籍志 簡齋岳陽紀詠 見尤袤遂初堂書目 岳陽名賢詩 同上

二十八

陳公舉編岳陽樓詩 王延編岳陽樓集 見絳雲樓書目

王安民管班集 見元史藝文志 郭永清黃源稿 見湖廣通志

藤宗諄岳陽樓詩集 見輿地紀勝 顏公忠任履集 見府志

湖湘靈怪錄 曹衍湖湘神仙顯異一卷 均見崇文總目

岳陽樓圖詩 茶陵李東陽書後 孫宜洞庭集五十三卷 見國文經

籍志 梅澆岳陽紀勝彙編 見四庫全書提要

胥文相洞庭君山集三卷 見四庫提要 岳陽樓詩集

洞庭君山詩集 效顰集 見湖廣通志

柳應辰髻遊聯珠錄見明一統志

謝綱素軒文集見王圻續文獻通考

胥文相石泉稿 胥焯七澤稿見湖廣通志

余坤月田漫稿見通志

蔡復賞孔聖全書三十五卷

房登雲逸叟閒吟集

方啟參少岳遺稿方氏家乘今所存有楚澗澳漁叟諸集

楊翔鳳自牧園集 楊一清石淙類稿四十五卷見明史藝文志

二十九

楊一清詩二十卷見明史藝文志

楊一清吏部題稿五卷見國史經籍志 楊一清制府小稿見王圻文獻通考

楊柱朝筆秋堂集印莊媧宮詩話鈞餘手鈔見府志

黃秀道山文集見舊通志 鄧堅益青閣詩集見舊志

大雲山房集見沅湘耆舊集 費元傑窺園存稿見沅湘耆舊集

傅大綬曲水園詩草見舊志 方桂泚英決疑集

費應泰讀書紀要五溪偶存含翠軒雜俎含翠軒詩文集見舊志

許伯政事三堂文稿見舊志

唐伊盛邁成詩文存略見舊志 張發桃浙案節錄見舊志

費志學觀古堂古今文稿蘭谷詩鈔見舊志

方捷昌醒心錄養正蒙訓編見壬申志 郭士穎草草吟野興錄

懷刑摘錄見壬申志 方應綸雪浦存稿見壬申志

方應和綠勻香詩見壬申志 彭昌運二知堂詩文集見壬申志

周嗣文綠野草堂詩集

方聯甲塞上吟集唐三百首唐詩韻彙六十四卷見壬申志

龔立海雲濤詩草方鏘竹生詩草 高崧席山文集

七十

方宗朝桐鄉集 黃谿梅花老屋詩草 金雲五道統錄

方塾士人軌範桃源避秦辨 毛貴銘西園詩鈔

吳敏樹歸震川文別鈔梓湖史錄八卷釣者風一卷梓湖詩話

一卷湖上客談年語一卷 方大溎性理輯要竹林問答

方美樅小酉山房叢書十四卷四然集四卷過愆集二卷聽

雨軒詩稿烏號集二卷 吳士邁指南車一卷吳氏族規一卷

敦善堂事例一卷 更定章程一卷 續遷條規一卷

鄧栢林衡樵詩草 劉德瑛墨農詩草 謝維藩南嶽草堂詩

集雪青閣詩集

方大湜桑蠶提要團練章程隄工約修防畧言隄工摘要捕蝗
纂要農餘提要農家占驗區田法區種水稻法冀言三種龍公
義莊章程平平言方氏世德錄

毛貴銘西垣詩鈔

吳敏樹梓湖文錄

梓湖詩鈔

釣者風

湖上客談

年語

趙鍾第養心齋詩文集

葛生香漱經閣鈔存

李煥寅詩文稿

七十一

胡應筠儒者須知

彭名沅蜀草吟和陶諸詩

向震日省詩集

杜貴墀桐華閣文集

桐華閣駢文集

桐華閣詩集

桐華

閣詞鈔 讀文彙記

周系藩妻湘陰左壽貞幽香寶吟草一卷
方功渠妻柳卅陳起詩女繡餘學吟一卷

一曰小學

方田小學古訓集解

杜貴墀鄭引爾雅考 鄭注字義考 鄭注聲近考 鄭注省

聲考 鄭注段借考 說文隨舉 音韻隨舉 歌麻韻正

鄭服異解考 許君解字與先後鄭經注同異考 王肅難鄭

考 左傳賈服杜三注平議 爾雅山海經郭注彙證 鄭君

注記時未見毛詩考 孝經鄭注考 漢書注引鄭氏考

七十二

一曰輿地

方壑禹貢水道攷異 沅南辨

方宗鈞綱目地理考

吳肇光孟子禹貢水利通考

吳敏樹巴陵東陵說 江沱說 岳陽說

方大溥新疆總論

杜貴墀輿地紀勝駁正唐人舊說輯考

任鸚石磯圖說 行舟要覽

一曰算學

明楊邦憲嘉靖壬子鄉舉通天文歷法授欽天監博士
國朝許伯政全史日至源流 天文歲差考略

一曰校勘

國朝費應泰雍正拔貢充武英殿校錄乾隆四年校爾雅及爾
雅注疏考證明史六年校授時通考
杜貴墀書簡錯脫考

一曰醫學
一曰理化
均缺

七十四

名臣

明方廷玉字致美號楚崖永樂乙未進士改庶吉士遷工部郎中時燕京創造上節儉休養二疏擢布政使致仕楊溥稱其質實而文和易有守

鄧廷瓚字宗器景泰五年進士官都察院左都御史卒諡襄敏見明史列傳

方宗秩字伯序通春秋一試文場不第遂歸於阮淹貫子史尤善詩詞耕桑樵採自食勵志無求真有伐檀遺風其鄉人子弟

七十五

有所疑難講解者多於耕畔求之天順間知縣袁綱以經明行修舉不就太守吳公節亦嘗延之賓館質問理道其抗節養高如此

柳應辰字拱之成化己丑進士官副都御史巡撫蘇松威惠兼著風采凝然以不附劉瑾乃撫其清理庄莊田不實逮繫詔獄瑾敗復職致仕辰在宏治間與茶陵李東陽華容嚴永濬倡和有髻游聯句錄行世

顏頤壽字天和號

梅田成化癸卯鄉舉宏治庚戌進士官至

都察院左都御史轉刑部侍郎山西妖賊李福達事洩屬壽鞠
治福達首亂者也捕急怵重賞走於都下陰結貴倖為救援地
先易名李五復易張寅鞠狀甚悉援謀叛律議處死上不可壽
執之監堅耳再三奏重忤上意其執如前也復懇疏曰陛下知
徐溝之張寅為無干未知其先洛川之李五嶠縣之李福達也
會廷臣問承風指奴賊竟以疑罪得逃乃下壽獄奪職閤住子
姓每集輒論之曰奉公守法毋辱門祚至願也富貴奚羨或啓
以田宅則曰吾官即久了無餘索且不使子孫累吾清白家聲

七十八

毋吾強也年七十卒

柳尚義字宗正宏治己未進士徵拜監察都史累陟僉都御史
以忤逆瑾除名瑾復起副使任至參政卒義明於大體執正不
阿當逆瑾竊柄時朝臣幸出門下士風洶恣如茅斯靡如義者
亦可謂嶽峙鋒鋷矣

方鈍字仲敏正德庚辰進士初知華亭縣累官至戶部尚書時
邊費浩繁苦心節濟在部六義題疏數十萬言以忤權相乞歸
築紫荆楓橋二隄桑梓德之隆慶初晉階遣官存問萬歷間復

賜存問卒贈太子少保純居官無甚表異而守己以正與物無忤望之如先民型範身名俱泰者六十年在京時建岳陽會館以處同鄉仕官立約三十二條皆勉勵忠貞之言

方啟顏字叔希正德辛巳進士初署固始教諭會選風憲官以啟顏儀度魁偉授廣東道御史以議禮不合主意又忤內侍崔文被斥

姜廷頤字以正號蒙泉嘉靖甲辰進士授餘干金擢御史庚戌按通州秋八月虜破京城德勝門距通州三十里廷頤與都御

七十七

史王忬乘城三日疏七上以傳呼憊憊破其喉失聲終其身遷淮揚海防兵備副使是時取民無制江北尤甚廷頤約計節色公費歲若干籍記之按籍徵輸為條編之法當是時廷頤嘗始立法自是大江以西浙左右湖南北漸次舉行民皆稱便遂徧海內百年以來為國朝善政焉累官至南京兵部侍郎引疾歸年七十囊無餘錙萬曆甲寅祀於鄉子性性字幼蒙廷頤長子萬曆壬午舉於鄉讀書君山十年效邱仲孚法以夜半鐘為度壬辰成進士其時朝廷濶疏而性動持大

體以壬子冬居諫垣屢遷都給事纔市兩歲月而前後疏凡百
八上皆當切當時之要非夫撫拾陳言苟且塞責與夫毛舉癥瘵
博敢言聲已也丁巳冊封趙藩歸里卒於家年六十一性為人
骨鯁易直而冰蘖自持介然不滓少居世閱清苦如寒士出入
禁闥亦無貴倨色家居歲餘門巷寂然閭里至今稱之

謝登之字汝學嘉靖庚子鄉舉丁未進士累官工部尚書立朝
清介初與張居正同舉於鄉相友善比居正柄政登之獨行其
志不少依附卒於官居正往唁聞其筭朝裳之外無他物乃助

七十八

其子扶觀歸

楊一清字應寧其先雲南安寧人父景以化州同知致仕擢之
居巴陵少能文以奇童薦為翰林秀才憲宗命內閣擇師教之
年十四舉鄉試即以經術為人師登成化八年進士父喪葬丹
徒遂家焉累官至太子太師謹身殿大學士一清於時政最通
練而性闊大愛樂賢士大夫與共功名凡為劉瑾所構陷者率
見甄錄朝有所知夕即登薦門生徧天下嘗再帥閩中起偏裨
至大將封侯者累累然不絕楚有三傑劉大夏李東陽及一清

也一清時師諸將肆習行陣嘗曰無事時當如有事是防有事
時當如無事鎮靜見明史本傳

方顯字敬齋由歲貢生於康熙五十六年選授湘鄉縣教諭雍正
二年升廣西恭城知縣四年詔諸行省舉能賢之吏大吏知其
才薦擢貴州鎮遠府知府以平苗功歷官至廣西巡撫著有
平苗記略見國史館列傳

功臣

黃清萬歷間任台州通判值颶大作海塘悉紀當事以清有幹材薦陞嘉興同知督修石工鑄鐵獸以鎮潮浚裏河以適運海

惠晏然

姜廷頤方顯

均見名臣

名將

宋陳寧國字安世為澧陽丞有文武才韓世忠辟為裨將討賊
劉忠馬友追至靜江有功冒瘴病卒

蔣寧亞從岳飛討楊公有功官號懷遠將軍

元王榮忠字君直至正間為贛州判官時淮寇擾寧郡掠興國

陷會昌榮忠與賊戰勝之克復諸縣尋移據寧都始建城堞募

義勇為守禦計贛州府志創鐘鼓樓修文廟亡何循汀賊五千奄至城下攻

圍三晝夜榮忠身先士卒冒矢石出戰又收公私銅鐵鎔液澆

十一

注賊遂潰率兵追擊大破之寧都民羅拜曰再生我者公也以

功升同知總管府事

易道談字進明嘉靖壬子鄉舉癸丑進士授太平令鄰邑盜發

以為倭且至告急道談曰此境上惡少年耳倭安得入深山竟

如其言調錢塘令入為戶部累遷郎中會興化新破廷議難其

守共推之即馳單車之郡則室廬煨燼白骨累累蕭然一空城

也進明急下令招徠安集民稍之歸踰年寇再至羣情洶洶獨

緩帶誓師日增金鼓旗幟夜列炬寇以為有備遂去攻仙遊進

明復為仙遊聲援射書城中諭吏民自固大兵且踵至矣於是
仙遊益堅而寇亦徐為大兵所敗興化乃得解嚴

盧三顧字站瞻天啟甲子鄉舉崇禎時知太湖縣值老回回不
靖盤踞山谷三顧率士民築壘堅守賊不敢犯士民德之

國朝李德明字瑞毓任贛州府照磨康熙十三年六月石城陷
於閩賊總兵劉進寶帥師復之德明運大礮至軍巡撫委攝縣
事石城近汀而贛汀久為耿精忠所據德明增陴鑿隄為備禦
計城中無井汲者必於江每被圍軍常患渴乃堰江水入城

二十一

池以蓄之偽將軍陳益擁眾來攻一戰而滅十五年二月須臾
高某陷吉安賊勢日熾偽將軍劉應麟以書誘降不聽囚其使
應麟怒引眾三萬圍城時外援不至德明率眾力拒鄉兵畢佛
者中礮將死謂其伍曰李公矢忠報國吾死無恨若輩謹守毋
為賊乘言訖而絕德明哭斂之眾皆感激奮呼請效死德知人
心可用乃出戰五戰皆捷自是汀寇不敢復睨城視事三載禱
雨輒應人稱曰李霖其受代行也生祠祀之

何敦五字丹臣咸豐五年鄂垣城陷敦五上書太守費公宜防

賊上竄奉檄募漁人百數略教之戰四年春岳州再陷敦五益憤徒走數百里徑投曾侍郎大營七月克岳州委充水師正後營統須克武漢破田鎮抵九江皆與有功方攻田鎮也礮毀其舟傷其左股敦五不少挫曾公稱為血性男子行抵蘄州有澄海營統領白人虎歿於陣接委者莫能制兵以大詳曰必得如何某者而後可於是改委敦五統領澄海五年正月九江失利曾公馳赴江西檄敦五等回援湖北駐薜洲以斷賊糧忤當道意未戢而曾公仍自江西以書招之有疾風勁草之語積勞累

三

保至候選道員非所樂也

劉長青字松巖以侍衛累官川北鎮髮逆閩廣西督川兵進剿旋署廣西提督專辦北路坐師久無功革職俄牛長清雅善拊循士卒身後賊益橫諸大帥相繼敗衄合天下之全力迄十餘年而亂始定論中興功者每進惜之

吳士邁號逸菴以資為中書推廣敦善堂救生船局規畫精詳為人精力思議過人自家鄉縣邑事皆取正馬咸豐二年粵賊犯長沙湖北巡撫常忠節奏令士邁募水軍禦之賊至軍潰於

土星港士邁大恨益講求古名將兵法金陵圍潰曾文正駐祁
門檄請募三千人從徵有沮其事者不與餉械復解去將終隱
君山建九江樓為書室其後左文襄督閩浙招之辭不往已而
念土星之負往焉會文襄移節陝甘剿辦回賊西事大棘人皆
難之士邁益奮與左期曰即幸有功不足償前負必無保我官
及三水大捷大帥奏加員外郎賞戴花翎後又加四品京堂銜
卒不敢用其項服在軍敝衣惡食與士卒均疾病必親候視之
而用法嚴逃與違令必誅軍所至薪菜皆平市之民營士無敢

十四

一入人家者戰所奪獲賊中馬牛聽民認辨輕贖之民間崇岳
軍至皆謹迎賊亦識之望其旗卻走宗岳者其軍號以志效岳
忠武也年六十卒於秦安軍次光緒五年大學士恪靖侯以士
邁志節可嘉 奏請宣付史館得旨先行見 國史傳

名儒

元方敏中字士文年十二通詩書春秋諸經潛心歛麓遺教書其室曰自明軒從游者教以克己為要高尚不仕

明顏公忠宣德乙卯舉人官桃源教諭傳學能文嚴於律己著有仕優集

趙弼正統中官漢陽教諭淹博極羣書著有通鑑雪航膚見故顰集行世

房材字成軒由歲貢官南甯教諭真慤自矢閉戶讀書為里中

八十五

模範

羅鳳字文祥官慶符教諭素有氣節師範端嚴一時名人如楊一清蔣冕周叙等皆出其門下萬歷間何汝成按部至縣立廟祀之張景賢有記

趙嘉煥萬歷間補黃陂教諭二年訓迪諸生諳復不厭雖修費必慎所入見有一善則極口揚之惟恐不至後遷岷府教授彼士思之為之立碑黃安取恭簡公定向為之記

范崇文諸生學博行優天啟五年江防道王景旌以額

謝維藩字麐伯同治壬戌進士改翰林院庶吉士以母憂歸湘
陰左恪靖侯督師入關知其賢聘至軍中維藩持正不阿語多
匡助年餘辭去屢疏諫皆峻辭恥以墨經傳功名恪靖終不能
強服闋入京散館授編修庚午充廣東主考官正使王祖培道
卒君獨仕文衡親搜各房所取多名宿癸酉督山西學政廉隅
自厲盡革宿弊刊小學數萬本散諸生勛以躬行聞芮城明綏
薛於瑛理學名延至省垣闢講學堂禮待優厚特疏請於朝賜
國子監學正銜丙子旋京復命行索蕭然越歲畿輔大饑維藩

八十八

集同志謀設粥廠十餘親詣撫賑日往來驕陽冰雪中徒步數
十里懷胡餅數枚自啖度饑勞苦無倦意感疫卒順天尹奏其
事詔以生平善行載入本籍志乘以垂不朽蓋異數也維藩
天性忠孝未達時聞文宗升遐嘗焚香中庭北向私拜哭腹
繫編帶百日及為編修兩上疏諫大婚繁費請節用賑饑言
多激切上優詔答之官山西學政復屢疏邊事皆留禁中君
亦不示人疏稿所奏機密雖厚交至戚無知之者每以時事多
艱主少國弱禍在肘腋為憂或與二三知己私譚輒聲淚俱下

憂時愛國之忱間發於篇詠

廿七

名行

一循吏

明戴儒洪武中知奉節縣政善民安多有遺愛

方必壽洪武進士歷官按察使以政績著

盧坦永樂甲申進士知南城縣剛果善斷庶事畢集時閩寇攻劫鄉邨坦率兵剿捕殄滅無遺一時咸服其威惠

潘原清宣德七年由吏員任崇仁縣縣丞寬猛適宣修新梓二

陂以通水利九載告成邑人士詣大吏乞留就陞本縣知縣

楊俊正統中知池州有惠政卒於官遺橐惟一琴

李昊字用寬天順知龍巖縣男女有愆期者助其婚嫁逋稅不

能完者佐之輸納生徒賢者加優禮焉最聞詔書旌異

羅綱成化中知大甯縣平易近民卻兵省費彌盜禦災九年考

滿百姓乞留歷任十二年

顏公輔景泰丙子舉人天順四年署安岳教諭嚴毅方正以禮

率人六載擢知安岳縣為政以仁動無所苟民立祀祠之

劉滄天順間歲貢知蒼梧縣時兵荒流徙滄為拊循安集民皆

得所

謝綱字振倫成化己丑進士知高安縣因鄔江兩豪族強梗不
供租稅綱諭以利害皆聽命擢御史清軍四川時以軍數多寡
課殿最綱不以此求進所至無枉民為軍者按河南寬獄多平
反惟糾貪墨吏不少貸終山東副使綱性強記官臺中有所疑
叩之即舉故實歷歷不謬尤篤友愛子樞成化舉人知夔州府
文行見推於時著有素軒集

周澄歷官廣州府庫大使上虞主簿兩淮鹽運知事李東陽銘
其墓曰君周氏諱澄字原潔其先自道州徙巴陵塘源居數世

二十九

曾祖諱國才祖諱桂芳考諱思恭妣傅氏生四子君其長生有
奇質通法律官廣州府倉大使當藩臬交會出納繁夥勤會計

慎向稽君具疏懇諸朝下御史按得姦狀事乃白遷浙江上虞

被誣不能直

縣主簿地衝要多賦訟君以習律故皆剖析得理部使有大獄
久不決則以委之嘗攝餘姚縣事餘姚故接境民間君至輒相
率供賦役不賢而辦參政何宜檄領京儲兌運事舊時悍卒多
怙力侮民民代補耗虧為所困君恣意規畫益嚴為約束民皆
稱便何嘗與論水利達旦不寐歎曰能官也浙東海溢上虞尤

甚工部侍郎李公永築隄海上君承檄受任與有勞效九歲將
去父老合詞請留於御史及布政按察例以未報政不許比上
吏部考入優格後擢兩淮都轉鹽運使司知事署泰州及淮安
二府分司兼掣淮安鹽貨嘗攝篆事事皆集諸場戶白於都御
史張公瓚再被獎諭聲益振

顏祿壽字天庇宏治中官寧國府通判有持百金屬左右密置
惟中餽之者斥不受暇即荷鋤治圃一室蕭然

楊純字秉誠成化癸卯解元始知南海清慎自持升德慶州知

九十

卅立心正大處事公平設一本牌刻曰愛人一毫職私天地鬼
神鑒察懸於卅門其名實蓋相副云

實曰正又高三四又歸於不致誤也

西安則其縣賦林小志賦法豐山平築其安則信十鎊里

稿及編修岳陽洞庭諸集以包孝肅遺像詩還其裔孫焯嘉
靖乙酉舉人官鄱陽知縣有惠政

易幹字伯貞嘉靖中知靖江縣懲奸勸農荒蕪盡闢

方世讓嘉靖中由鄉舉知寧義州清介好士卅務一新

余坤字月田正德己卯鄉舉由蕪湖教諭累官江南道監察御
史出按四川招撫流民數萬尋致仕

張珏字國信嘉靖癸未進士授刑部主事時御史馮恩論大臣
得失都御史汪鏗欲置之死珏執奏得宥未出知太平府值歲

旱蝗令捕蝗者人給穀民爭捕之蝗遂盡踰年乞歸久之言官
薦徵守鎮江維時盜出沒江洋珏以計擒巨魁數人境內始安
升廣西副使坐事左遷吉安同知尋轉工部郎中出補廣東巡
海副使尋擢廣西左參政未間命卒性沈毅人不可以私干
方啟參字少岳嘉靖戊子鄉舉歷官河東都轉運使山東右參
政性敏達廉慎乞歸開戶著述隆慶初再召用連疏乞歸弟啟
念劍卅知卅剛直不屈

李正彝嘉靖庚戌進士知富順縣清介有經濟才擢監察御史

梁思字子承嘉靖中進士知同州同故無却使者多迂道至民
苦供億思禁弗應嗣後遂絕諸臺有徵於州者輒以不便民白
免至逢怒弗故也歷官至韶州知府

余良弼隆慶丁卯鄉舉官登封教諭改交河值畿輔饑條陳救
荒八事全活甚眾遷東光知縣治行為三輔最晉延安同知修
城堡申斥堠軍政肅然兩膺寵命卒於任

唐世柱字擊元萬曆甲午鄉舉知濟甯卅歲早步禱雨立降修
河道漕築堤禦水增先賢仲氏祭田擢戶部員外郎公終養歸

九十三

黃勝崇禎中恩貢知恩平縣鋤奸民折疑獄行文田法履畝
而民不擾時當多故沿途添置防卒縣賴寧謐

丁聖時字墨巖崇禎戊辰進士知溧陽卅縣清兌糧宿弊定淮
鹽水運修城浚池省刑興學鄉人刊錄紀之轉袁卅推官讞獄

明決申革宜春幫解私費建鳴斷關以遏萍鄉郡人德之升戶部
主事後客於宣城挈家居焉匡姓名與農樵牧豎為伍
房如京字赤石崇禎鄉舉仕建昌通判嚴毅有守歲荒賑饑全
活甚眾升成都同知多惠政蜀人祀之

龔承宣字來自由歲貢歷知廣宗縣修學建倉置廣濟橋清植
自矢漳河水決漂民盧舍承宣捐資築東城聞自是水不為患
劉伯宗字泰巖以選拔官行唐知縣廉明有聲士民相祀之
楊為棧字芄若康熙丙戌進士知山陰縣俗多藉命圖財為
棧申明律令俗漸變修築馬鞍山丈五邨海塘民免水患以終
養歸再補馬平縣致仕

葉時叙字銓林康熙辛卯舉人官四川丹稜知縣子弟不全隨
任居官以不擾人為主堂懸一鉦令民欲訴訟者學之間聲即

九十四

為申理役隸持票傳致訟者董道里遠近硃書給草板錢若干
於票尾令不得多索在任九年去之日民攀轅追送有泣者
方桂廣西巡撫顯子也雍正壬子舉於鄉從巡撫平貢州苗以
功得知縣發廣東權會同補英德兼權曲江調潮陽以大計卓
異引見 賜朝衣一襲擢雲南昆陽州權安甯晉甯兼攝易門
復任昆陽乾隆二十年擢臨安知府權澂江調泉州遭繼母憂
去官服除授甘肅鞏昌府知府調蘭州遷浙江甯紹台道人覲
賜冊^論黨拓本貂皮二紫金錠一香珠一桂為吏熟知民之利病

而精察吏事其仁民如其骨肉然間有利於民竭力執之如不
及民所不使必釐剔而更張之長養其羸弱而鉏其強暴者奸
吏蠹役豪黨根株痛斷小民或得其處故所在以治安甯惡民
楊珍暴橫閭里虎狼行前數州牧莫敢誰何桂捕至痛懲安甯
人人額手誦其後君再至有遮道先迎者問之楊珍也則已故
棄宿惡稱善士焉桂始官廣東游歷雲南甘肅先後治縣四川
三典郡五所至有聲績循良聞於天下其遷甯紹台道入覲至
京師也宰相陳文恭公迎而亟問之曰君在甘所施設何而舒

九十五

司寇稱之亟也先是甘肅平涼慶陽鞏昌三郡大饑 詔例賑
外展賑二月撥西安藩庫銀六十萬濟之桂以蘭州知府奉檄
往故事首郡不外從役總督舒文襄赫德以謂賑饑至重也非
方某故莫能任此者至平涼數月西安餉未至民待食急會撥
城工銀三十萬過平涼桂則以便宜截取主者難之桂曰今日
之事猶救焚拯溺也苟獲罪某專執其咎饑累卒賴以全文襄
聞則大以為善其以其事對文恭歎息久之曰司寇之言為不
誣矣其在官尤長謙獄潮陽俗故健訟始至宿獄山積桂日日

晨出坐堂皇決獄日晡乃飯飯已復出四鼓猶未寢不數月宿
獄二千有五十剗剗絕世所未嘗聞也英德民有為何人所
殺者賦不得而有遺力其旁君恣集鐵工示之刀問得造者主
名捕鞫二服船人以舟中賈客入城遂不返不知所如往告請
捕治往檢賈客物皆自若眾謂船人無與也久之得一尸帽峰
山下腐不可辨識腰乃有繫鑰以試賈客篋鎖牝牡適相入加
為賈客尸矣終不知賊誰何桂諦視良久曰賈客船人殺之也
帽峰山居縣城北若尸從城中來當北首今尸南首是自舟中

九十八

來晰矣以訛船人立吐實著有涖英決疑集然當時士大夫尤
重其急惠利達權衡遇事能擔任有古名臣風烈謂折獄其餘
事云桂故尤以廉節著稱前後所涖雖脂膏沃區曩日奸貪窟
穴不一以自私英德人至以方包孝肅謂英德令推方君不復
我取一英石也

劉德傑字南一乾隆辛酉鄉舉知房縣操守潔清歷署漢陽同
知均州知州所至有青天之稱父艱服闋補原缺卒房人挽以
詩設主祀之

李仕清字婉兮乾隆甲戌進士幼孤兩世一身篤志力學事祖母暨孀母惟謹晝夜勤誦讀宵分不輟知嘉定縣邑故健訟仕清悉剖決無枉無縱

張發桃字晉源乾隆己卯鄉舉歷官天台黃巖知縣正河廳道判善聽斷錐結椎堅數理疑滯未嘗妄答人初任天台決郡縣冤獄民間有古鐵面之歌浙江之黃巖太平俱瀕海海匪出沒二縣中而黃巖洋面水淺重艘不得泊故劫掠多在太平發桃宰黃巖時永嘉民航海來買黃太歸舟劫於太平之洋面盜十

九十七

有九人皆逸出莫得主名一日發桃忽牒徵各役魁各領健役十人備薪燎期二鼓俱集發桃坐俟堂皇至則盡率以行請所向曰東既東又命曰南遂由南出縣城疾驅七十里至所謂下梁者已及平旦時蓋乾隆四十七年正月朔日也令役分叩各賊門問何人曰拜年出則就縛之雞犬不驚而盜並擒其一人前出者旋亦捕獲之乃牒獄辭移太平是役也少逾緩焉則十人者俱以朔旦之明日落海捕魚莫可蹤迹矣發桃嘗言求以實心參之智術灼其情偽鈞致其逸曲洞悉其變幻不為奸

胥訟師所朦則訟可平而獄斯折又云辦一片至誠務求民隱
雖積贖盈箱奸宄百出苟善用吾術濟之烈日嚴霜仍是和風
甘雨著有浙案節錄

方應清桂子知榆林縣縣境六驛吏科取馬草豆與他保共為
姦利大苦民應清首令給實價平買民刻石記之地界蒙古凡
交涉之案例與旗員會訊應清秉公決讞皆悅服邊地多沙漠
間有水田苦灌溉應清募南匠製桔槔數十分給之田賴有成
以捕緝功擢朔平知府所屬寧遠廳為察哈爾王公牧廠時與

九十八

內地民結訟應清親履丈量分別陞科訟端遂息再擢雁平道
邊牆守口弁兵多縱越盜蒙古焉應清躬巡諸口請易守弁增
防兵守口自是無盜者應清斷獄明決執法不撓然宅心仁厚
民間有姦姦之稱嘗詰復新疆通緝之逃犯二人既遣解矣人
聞其中夜履聲藉藉繞屋或問其故曰遣犯脫逃例正法捕獲
遣犯例轉官殺人以得官我心終不安耳
方應元字首善一字蓮浦官至廣東惠潮嘉兵備道左遷潮州
知府政尚嚴明融法胥吏皆震懾澄河捕魚者半盜悉捕置之

法民賴以安潮州東門外間有呼救地中者掘土得石獅巨蛇
環其頸因共撲殺蛇身獅廟中而祈禱之眾奔走相屬有觸片
者輒見崇應清以為妖詭言迎石獅入城別為立廟遂碎而投
諸河寔無他異攝潮州分司釐別積弊裁陋規官役不得緣為
蠹

方應綸字縉書嘉慶己未進士癸酉九月十五日之變應綸方
以御史巡城先是天理教林清賊黨二百人往來都市逆形頗
著居民有趨避者而營坊諸官不二過問或上變豫王步軍統

七十九

領均不之省及賊敗就擒上親按問賊始末唯揚獨應綸所
巡門無入賊上嘉應給勤能因簡擢廣東鹽運使司憂歸服闋
補浙江鹽運使司

彭昌運字岸山嘉慶己未進士壬戌預朝考三省善後事宜疏
略云頃者教匪蠢動滋擾川陝楚三省大兵所指勦撫兼施首
逆皆次第伏誅矣愚臣竊以為震動之餘即須馴擾之術以善
其後逆則為匪不逆自無害其教匪可誅而教不可誅而察匪
之法務在嚴保甲稽戶口以耳目寄之齊民知廣昌縣有兩姓

爭山訟經數十年積業贖盈兩几昌運甫下車窮盡夜閱之一
訊立剖姚坊奸民聚黨數十將為亂昌運募勇直抵其巢擒其
首誅之其縣人謂是不費一錢一兵手剪巨寇而廬井晏然寂
無聲響為古循吏所難以功擢廣信同知手自屬菜根雜麤糲
以食要躬紡織如負時

杜宏泰字東軒嘉慶辛酉舉人弋陽贛縣知縣弋陽數閭閻無
論羨餘即正供官不敢與爭贏絀及宏泰主民輸糧官倉者不
以餘米自歸曰官厚我多矣宏泰終日坐堂皇訟者挾牒至常
委曲譬喻令歸聽鄉鄰居間必不得已則立為剖訊兩造無留
難訟亦漸稀任弋陽十年禱雨輒應去官後民奉其主泐所禱
廟中旱則併祀之蓋至今猶稱為杜青天云某巡撫嗜食胎豬
尾所過屬縣飾厨傳非此不樂宏泰獨不為具曰無累公好生

之德

汪佳士字作堂嘉慶辛酉舉人官廣西歷任河池卅修仁柳城
平樂縣麥嶺南寧同知在河池有那里草地漢獠交牧卅同文
善與土官章俊爭訟久不決佳士往丈量分割衆遂定土官率
獠人輩金及獠錦為謝卻不受修仁柳城地少文學二百年無
登鄉舉者為修葺書院嚴課厚糈兩縣士始有中式者家故貧
遺產與弟為官竟不名一錢

杜棠字召亭嘉慶丙子順天舉人官知縣通山西官所盈二十

年卒於寘官舍年七十二貧不能以歸其年從弟赤亭往迎其喪又年餘始得歸其葬也嘗其先產以辦愛誠信質直不肯趨事上官道光之末山左馮公桂山來撫湖南過岳州問君于人是山西強項令問已歸如何時棠適在郡下與相見甚驩先是馮公為巡道山西棠為聞喜管巡道從隸馮公始怒已而謝之及察棠為人與治行大嗟異告諸縣為令當如杜棠也

方功鉞字左卿嘉慶庚辰進士歷官浙江浦江蕭山福建化寘洋漳平等縣龍巖直隸州在官勤治事遇重案初審即分別其

人細研之不以刑求每即得情實嘗曰人常略初審緩之則訟師教供書差授意犯人才狡真情不出矣且重刑得者皆誣服也德化獲海盜二魁永春知州沈某攘其功幕友勸之辨應曰古人爭功者類多兩敗炯戒胎然不可較緝盜為地方非為官遷官分所當為不必較官俸養親外分固親族家不置一度工制舉業學者師之

鍾謙鈞字雲卿同治十三年卒欽差大臣大學士陝甘總督左宗棠以謙鈞循良卓著疏請將政蹟宣付史館諭曰已故廣東

鹽運使鍾謙鈞歷官湖北廣東等省廉惠宜民輿情愛戴並捐
廉助賑尤屬急公著湖廣兩廣總督湖北廣東巡撫即將該員
事蹟查明咨送國史館立傳以昭激勸 見國史循吏傳

方大澍字菊人從事朝文忠戎幕歷官湖北廣濟襄陽縣知縣
襄陽宜昌武昌府知府荆宜施安襄鄖荆兵備道直隸按察使
布政使山西布政使中間凡兩署荆宜施道復前所手定閩叔
善章三至襄陽親見其德政之碑坐祠之主所至民咸喜其來
而悲其去而襄陽之水利國防宜昌之賑務廣濟武昌之提工

其政之榮華尤著者也其知襄陽時巡撫以知府保薦疏稱大
澍志節貞廉才情沉毅前在廣濟任內卓著循猷士頌民懷自
調署襄陽以來潔己愛民事親理終日堂皇治事不設門印
之流不假僕從之手收發公文柳由內發審理詞訟飛鑼入自
外鳴而愛民如子嫉惡如仇尤孜孜不倦本年夏間飛蝗入境
大澍親行田隴手持竹竿足穿草履倡率農夫實力捕撲萬民
踊躍歡呼三日之內蝗孽淨盡襄陽士民僉請數十年來未見
如此好官事在同治二年巡撫為嚴渭春云光緒六年兵部右

侍郎朱智遠旨密保人才疏稱其兼性小操守堅定勤求民隱
視國事如家事才堪大用其罷官歸也左文襄方督兩江時法
夷方擾粵南疏稱大湜素為胡林翼所器重以循吏稱前任襄
陽誠心愛民大得民和至今去思布絕深知其為人擬請
旨將大湜發往沿海各省以資練習備他日之用其為諸大臣
推重如此見國史循吏傳

彭名湜字鴻川陝西縣丞歷官四川營山成都知縣馬邊同知
甯遠潼川知府先後舉治行循良俱第一以人材保擢折江鹽
運使司未及聞命卒川東道任其權成都縣也滇賊土寇環集

百四

號百萬名湜助大吏堅守廢寢歷五十晝夜及趨富順大吏檄
名湜往守賊先踞縣上流牛伏渡游騎將至城下名湜縋而入
洞啟四門號令於民使無恐賊未敢逼已乃時援軍踞據近城
河橋為犄角援軍與賊搏戰久橋下水盡赤賊來益眾勢且不
支名湜未及籌食連引數巨觥率壯士怒馬馳呼諸君好為我
殺賊我統大軍來矣賊大奔

彭燮字濟臣廩生由軍功保知縣同治九年署任恩施聽訟全
其地素號公正者別白兩造曲直始詳加訊斷案無冤獄因公

赴鄉乘竹筥一人擔卧具食物以從不累民勺水所至必環集
其老弱男女為俚語諄諄訓導有聞而涕泣者歲時村翁媪或
攜雞蔬為餽變忻然相對如家人宰恩二年餘去官人或自湖
南來縣輒迎問巴陵彭公安否居官時無錢今則何如相與太
息言此非吾縣官乃吾百姓真父母耳變任崇陽禁婦女粧飾
備茶俗為之變去任通城也道經其縣縣民雷九九等憤縣官
庇役害民斂眾入堡括財造軍械旦夕且變官急請兵大府城
晝閉民望見變疾走變所以事告爭導變入堡先是首事者決

百五

計反有往告以非使者雖親故閉不納及聞變來出伏謁變據
坐怒罵語絕痛首事者抱變膝泣變亦泣環堡者皆泣曰然則
奈何變曰墮汝堡散汝眾燬汝兵擇一二人從入縣首罪吾保
汝無他變留堡一夕如變言縣以無事變議事多中嘗策漢口
宜築城備賊後果然自胡文忠初定湖北任以釐政先後且十
餘年自署廳事云脂膏有限從寬是會計無才欲當難孫衣言
權布政就變家檄赴武昌變至而孫以升任去矣為諸生時館
城中何氏何氏云今三十餘年中不復見如此塾師云

李緒號琴山咸豐甲寅募結鄉團率以禦郡邑土匪從大軍擊
賊花涼亭王壯武鏊奏保知縣鄂撫胡文忠尤以團事相倚
重賊平選甘肅金縣新遭猖躡緒招致流亡資商貸費農費不
貲時全省糜爛公帑不足取給於家又修復民堡聯團百數十
里間道路無梗左文襄降肅州猖數十緒於其縣劃地安插縣
民故雖猖始頗斷斷竟感緒訓諭相安無事巴陵官州縣者類
多著廉惠而輦資數千里外以利彼民緒尤僅見云

忠節

郭永清工詩有逸才永樂辛丑進士官工利給事中奉使外藩
不屈而死著有黃源稿

李興瑋字天玉應湖廣己卯鄉舉為章曠所拔用副榜生貢入
太學假歸值張獻忠陷岳州興瑋走江北請兵恢復遇左良玉
前部李成名因邀與同復岳州已而獻忠來爭成名退興瑋僅
以身克賊擒其父母兄弟宗族二十餘人皆投之宏光二年李
自成渡江羣賊大掠巴陵興瑋走湖南依章曠曠以興不習馳

百〇七

驅請於何騰蛟補臨武教諭應鄉試於衡州中丙戌鄉舉授臨
武知縣永歷元年四月衡州陷章曠退屯永州使人召興瑋棄
城從已軍中興瑋辭曰既膺百里之命則早盟之五內期以頸
血滅城南土耳時湖南北六十餘州縣望風靡走無一守者惟
臨武不下 大兵來攻乘堙拒戰凡五晝夜 大兵佯退興瑋
督民兵開門躡之伏起被執送孔有德下使索降巡使李茂祖
勸之降興瑋大罵茂祖怒繫之獄興瑋未有妻子唯一髯蒼頭
相隨亦不肯鬻髮自請同繫興瑋於獄與聞大成唱和作詩數

十篇佚不傳茂

知不可屈報有德殺之興瑋將赴刑南

向叩首已顧大成曰吾與君今日乃將畢此一大事其髯蒼頭請同死刑者以無殺蒼頭令不聽蒼頭奮刀斫殺興瑋者遂亦見殺

李應薦字陞顯邵上舍身陞知州保銓京師甲申之變懷宗死

社稷應薦自經旅館

許萬一字龍門有智勇張獻忠陷城萬一集鄉勇以禦援絕死

百〇八

虞逸人不知其名明末人隱居城陵磯能詩無子王啟茂有城陵磯訪虞逸人故名居詩云生前混屠釣死後少妻兒過客尋遺宅居人記舊詩可知其人大略矣詩亦竟無傳者

熊忠蕃字柳堂權河南虞城縣時擒匪大至縣無城無兵忠蕃肅衣冠坐堂皇以待擒匪羅拜曰此好官也擁衛至其案既而舍之去

劉定泰字階平道光壬午武舉人累官貴州威寧鎮標中軍游擊咸豐元年帶兵征粵逆於象州羅勇村陣亡事聞照參將例

賜卹給世職入祀忠義祠

廖景象字鑄臣以軍功累保知府咸豐三年以諸生團練鄉兵為郡守魁聯所知四年胡文忠林翼駐師岳州聞其名延見之與語大合明年文忠巡撫湖北招景象禮以賓師督師官文恭文與巡撫不相干而賊事方急少有亭掣則傾敗立見景象調和其間督撫大和文忠乃得專利戰守無他慮景象在事言多奇中兩軍對壘呼吸百變用其謀訊勝文忠屈己下士而信景象尤萬織悉必就詢或疏其事而織之走織者日十數至數十

百〇九

至景象發緘濡筆以己意續書紙尾某事應如此某事應如彼訖即封付去雖稠人廣坐中裁決如流然絕不自言其所處分雖親密不得窺輔文忠以禮法文忠夫人以立嗣故來取決文忠或請留夫人營居景象不可文忠竟如其言子貢民治竹山同治間從左恪靖侯軍剿回甘肅臨敵輒怒馬前突戈刃所向當者主披靡回逆多指目貢民爭避其銳而所領一營遂成勁旅戰必先每上捷恪靖顧貢民色喜曰此孺子大可用也積功保提暫貢民感恪靖知戰益勞嘗單騎探賊踪去大營遠賊繞

出山谷間圍之數重擁以去賊故知貢民勇欲得以自助百計
誘說貢民憤罵不絕聲賊怒縛諸樹攢射之以死事 聞贈世
襲雲騎尉

方大濬縣學生咸豐八年入江西戎幕為其參將副是年七月
官軍追賊於江山縣屬之花埠等處同時覆沒沒有與大濬偕行
者跳而免為人述敗狀乃知大濬死矣其人又云大濬在軍僅
數月然從攻江西浙江逆賊轉門常數百里嘗賊圍衢州有遺
環攻大濬佐城帥極力禦守相持三月克保危城城帥上其功

百十

擬保訓導死事之前五日中大濬營日有斬獲以兵少賊眾竟
與諸營同沒

陶鼎金家居縣治東門外以同治四年投效老湘營老湘營者
別夫新募之湘軍而言蓋自粵匪初竄湖南時號天下勁兵歷
戰陣最多且久者鼎金從征回逆善用馬隊立功多而所當悍
賊若馬化龍白彥虎之屬皆能力折其鋒其戰烏魯木齊賊偽
帥王其飛刃擊鼎金中面鼎金益前鬥手擊殺王其王其號賊
中猛將既死賊奪氣積前後功 賞胡敦巴圖魯勇號保記名

總兵至是奉諭以提督交軍機處記名並賞給正一品封典時為光緒二年同時陶國安亦累戰功保記名提督與鼎金同族其居相鄰也

劉厚福字子敦以咸豐八年從鮑忠壯克大湖始得功同治元年克甘肅藍波堡四年克浙江武康五年克福建漳州廣東嘉應州七年克陝西甘肅獨逆九年克渭源狄道攻太子寺皆至行間以功至總兵提督銜賞加禦勇巴圖魯換清字法福陵河魯換清字法福陵河巴圖魯名號十二年三月日戰甘肅巴燕

一百一

戎城深入遇伏中鎗卒厚福驍勇善戰自鮑帥外左文襄穆將軍皆器之惜不見新疆定也

不知姓名男子咸豐二年十月某日賊自長沙竄岳州此男子遇賊城東迎暉門肆詈賊攬示刺之死居東門熊姓老人當時

目擊其事然居民逃散竟無從問為誰也

李春沂李承昉李巨典於咸豐二年倡辦團練黃四年寅州賊上竄岳州復陷賊分黨攻圍春沂巨典皆戰死五年承昉復舉行團練名曰復振團是年春賊踞通城承昉督團勇越省會勦

三月二十七日與賊大戰花涼亭力絀死之同時哨長李管城
李載誌隊長李君宜李載璜李時玉李昇梅皆殉均從祀岳州
忠義祠 上下數年間男婦被賊殺及投水死者不可勝記

徐芳珍咸豐四年賊竄岳州官兵堵擊芳珍勞以茶兵潰突不
及避指賊大罵賊叢擊身受十四傷而死

附府名官祠凡十五人

唐岳州刺史張說宋岳州知府宗諒通判石光教授李燾明江防
僉事王宗濬岳州府知府唐庸楊謹行兵節李鏡張舉陸垵同
知中諒通判周鈍推官陶宗孔國朝岳州府教授汪特昌

府鄉賢祠

宋大府卿黃誥司農少卿李賓王通判羅孝榮供奉凍一發明
布政使方廷玉按察副使董廷圭太子少保諡襄敏鄧廷瓚禮
部尚書諡文僖黎瀆戶部左侍郎程萬里太保兵部尚書諡忠

一百十三

宣劉大夏提學副使方昇戶部左侍郎王儼布政司右參政嚴
永濬通判方賓左參政黃昭道知府晉文相提學副使孫繼芳
兵部侍郎姜廷頤巡撫艾穆提學副使白竹國朝進士高曾
巡撫方顯訓李方鈺

縣名官祠凡十一人

晉縣令潘京宋縣令李轍明知縣即子文邵崇王維許璠王夔
龍余自強曾祐趙冊禮安汝盤主簿葉世杰教諭胡淮

